

# Ang Dios wala magtawag sa Tawo ngadto sa Paghukom nga Nahauna walay Pagpasidaan Kaniya

Jeffersonville, Indiana, USA

July 24, 1963

1 “Mosugo sa napulo ka libo nga mga Manulonda, sa dihang ang usa makahimo sa paglaglag sa kalibutan; apan Siya nagpakamatay alang lamang kanimo ug kanako.” Kana usa ka butang sama sa basihanang nga buot ko nga mabatonan sa akong mensahe alang sa buntag sa Dominggo, kung itugot sa Ginoo, sa “Kinsa si Cristo?” Ug karon, kita nagapaabut tingali niining mga batan-ong mga babaye nga makahimo sa pag-awit nianang alawiton pag-usab alang kanato sa Dominggo sa buntag. Igsoong Wheeler, ako sa pagkatinuod buot mosulti kanimo nga ikaw seguridad nakabaton ug duha ka maayong gagmayng mga ginang dinha, ug ang ilang pagpamisti, ug walay mik-ap ug tanang butang. Sila tan-awon nga mga Cristohanon kanako, ug magawit sama niini ug maglihok sama niini. Kana maayo kaayo.

2 Ako nagtoo nga ako nagsulti ngadto sa akong asawa sa miaging adlaw; kita sa pagkatinuod adunay pundok nga mahinlo nga tan-awon nga mga babaye sa palibut dinhi; ako nagtamud niana. Ang ilang tag-as ug limpyo nga mga nawong, ug nagbisti nga desente, ako—ako nakadayeg kaninyo sa matag panahon nga ako—ako moanhi. Ako miingon kang Meda, “Ako buot nga maglumbay silang tanan sa usa ka panahon, magkuha sa ilang hulagway aron makahimo ako sa pagpakita sa ubang kasimbahanan sa pamaagi sa atong simbahan dinhi,” Mao kana kung asa kita nagapamulong niining mga butang, sila—sila nagatuman. Ug kita malipayon. Kini nagbuhat ug usa ka butang alang kanato. Kita nahibalo nga sa dihang kita—kita adunay atong mga pagpangamuyo; kung ang atong kasingkasing wala maghukom kanato, kita nahibalo nga ang Dios magapatalinghug kanato.

3 Ganihang buntag, usa ka higala nako, layo, halayo gikan dinhi, nga nagabuy-od, giguyod siya palayo ug halos lamang—lamang nabuhi, nagtoo nga siya mamatay sa pipila ka mga minuto. Sila nagtawag; kini mga banagbanag na. Ako mibangon gikan sa higdaanan ngadto sa salog, ug nagsugod sa pag-ampo alang sa tigulang nga tawo ug nakahimo pinaagi sa grasya sa Dios sa pagkontak nianang espiritu, ug ania kini mibalik. Nakuha sa maayo man, ug mibalik pag-usab (Nakita ninyo?), nagkinabuhi uban kanato karong gabii tungod sa himaya sa Dios. Mao kana ang tigulang Igsoong Dauch, kasiyam-an ug usa ang panuigon, kaluhaan ug usa nga milapas sa panahon sa iyang panaw sa kinabuhi. Apan ang Ginoo maayo ug puno sa kalooy, busa kita mapasalamat alang niini.

4 Karon, Igsoong Neville, kita motan-aw sa palibut ngadto sa matag-usa; ug ako nahibalo ako adunay usa ka gamay lamang—mga dugang usa pa ka serbisyo dinhi, ug kana mao sa Dominggo. Ug karon, dili ko buot kuhaon ang sa akong pastor; nahigugma gayud ako sa pagpatalinghug kaniya nga magwali.

Dominggo sa gabii sa dihang siya miwali, sultihan ko kamo, ako mianhi dinhi uban sa usa ka higala ngadto niining gamayng drive-in sa pagpalit ug tinapay nga may palaman pagkahuman, si Igsoong lalakeng Evans ug Igsoong babayeng Evans, ug midalagan ngadto kang Igsoong lalake ug Igsoong babayeng Sothmann sa ibabaw didto. Si Igsoong lalakeng Sothmann ug tanan kanila naghigut mahitungod sa kahibulongang mensahe. Ug sultihan ko kamo; ako nagpuyo niini halos sa tibook semana. Ug uban kanila naghigut nga giunsa niana ang ostrich nagtoo nga siya nakatago sa iyang kaugalingon. Karon, tinuod kana, sa dihang gilubong niya ang iyang ulo diha sa yuta, apan halos tibook kaniya anaa gihapon sa gawas. Busa mao kana ang paagi nga atong buhaton usahay. Atong tinguhaon sa pagtago sa atong ulo sa luyo sa usa ka butang, kanunay aduna... Tingali kita sa gihapon nagpakita, kamo nahibalo. Siya nakakita sa matag gamay kanato. Nakita ninyo? Sa tinuoray gayud nagapasalamat niana.

5 Ako... Unya ako naghunahuna, mas maayo, ako buot makigsulti sa iglesia ug ako

naghunahuna, mas maayo, ako—ako... Si Igsoong Neville nakighinabi kaninyo sa tanang panahon, busa tungod niana sa dihang ako ania dinhi tingali magpuyo lang. Dili ako buot nga magpakaaron-ingnon, sa dihang walay motawag kon walay butang buhaton, magpuyo lamang didto sa balay ug moabli ang simbahan dinhi. Kinahanglan ako—ako... Buot ko moadto dinhi tungod kay ako nahigugma kaninyo.

Sultihan ko kamo; ako sa pagkatinuod mura ug... Ang panahon dinhi dili mouyon kanako, ug ako... Ug ang nasud dili mouyon kanako, ug ako dili makauyon sa hangin dinhi. Sa dihang kanang hangin modasmag kanako ako dayon magnukanuka (Nakita ninyo?), ug walay bisan unsang butang nga imong mahimong buhaton mahitungod niini. Ug ako... Ug kita mobati ug dili maayo, walay bisan kanato, sa dihang kita ania dinhi. Halos matag-usa kanato walay gibati nga maayo sukad nga ania kita dinhi, tungod kay kita medyo naanad ngadto nianang hataas nga klima.

6 Apan karon, usa ka butang nga nagdani kanako dinhi mao kamong tanan (Tinuod kana.), kamong tanan. Kamo nahibalo, kamo nakakaplag ug daghang mga higala, ako—ako mapasalamaton kaayo. Ako nagtoo nga ako... Kung ako lamang magaihap, sa personal, ang katawhan nga akong nahibaloan, kini tingali mga minilyon sa palibut sa kalibutan. Kini sa makausa gibanabana sa ubang tawo, ug tingali sa personal nga pagkahibalo, mga napulo ka milyon ka mga katawhan. Apan adunay usa ka butang mahitungod—mahitungod sa pinuy-anan, mahitungod sa usa ka katawhan. Sila lamang... Ang tanan nakakuha niana; adunay espesyal nga katawhan sa inyong kinabuhi. Kamo nahibalo, ako nagatoo niana. Kung wala, nan ngano ang atong asawa espesyal ngadto kanato? Ug ngano—ngano ang atong... Nakita ninyo? Kita... Ang atong mga asawa, atong mga bana, ug uban pa, kini—kini espesyal. Ug kamo nakabaton niana uban sa mga higala. Adunay laing ubang butang nga imong gihigugma sa pagpakigtambo kanila ug makighinabi lamang uban kanila. Dinha adunay gagmayng mga lama.

Ug ako naghunahuna niining daang lim-aw dinhi diin kining gamayng simbahan nagabarug, ug diin sa wala pa kini nagabarug dinhi walay bisan unsang butang gawas sa usa ka lim-aw. Mao kana ang hinungdan ang dalan gipahimutang didto, aron molibut nianang lim-aw. Kini sa pagkatinuod gipanag-iyahan sa dalan nga moagi gayud diha sa pultahan. Ug—apan kini usa ka lim-aw. Ug ako nahinumdom nga mianhi dinhi ug nagtinguha nga makakaplag ug usa ka dapit aron sa pagtukod ug usa ka simbahan ngadto sa Ginoo, ug usa lamang ka batan-ong lalake.

7 Ug ako nagpatalinghug niini, kining batan-ong tawo ug kining laing usa dinhi, nga nag-ampo sa dili pa dugay, uban sa tanan nianang kasibut. Ako naghunahuna, “Kamo nahibalo, ako naanad nga makahimo sa pag-ampo sama niana, sa dili pag-apas halos sa akong ginhawa.” Ug sa dihang ikaw magkatigulang, ikaw medyo magkahinay ug diyutay, kamo nahibalo, ug niana. Ikaw sa gihapon magalihok, apan ikaw anaa sa ikaduhang kambyada ingon sa akong gisulti kang Igsoong Wood didto. Apan—ug unya samtang... Ug unya human nga ikaw moadto sa ubos nga kambyada, sa dihang ikaw moabut sa kapitoan kon kawaloan, ako nagtoo. Apan, kamo nahibalo, ang—ikaw sa gihapon nagalihok. Samtang ikaw nagalihok, unsay kalainan nga mahimo kini? Usa lamang ka dugang gamayng panahon nga makaabut didto.

8 Akong nahinumdoman giunsa sa pag-ampo, ug dinhi gayud niining kasagbotan, dinhi gayud diin kining pulpito nagabarug karon, diin kini nahimutang, mao kana diin ako nag-ugbok ug taluktuk diin ako nahibalo asa ibutang ang pulpito. Ang Ginoong Dios naghatag kanako niining dapita. Oo, sir. Karon, dinha gayud diin ang ulohang bato sa pamag-ang gipahimutang ang akong pagpamatuod sa usa ka panan-awon sa buntag ako nagpahimutang niini, sa dihang ako halos nakahunahuna niadto, miingon, “Kini dili imong tabernaculo, apan buhata ang bulohaton sa usa ka ebanghelistang,” Siya mingon. Ako mitan-aw ug akong nakita ang tanan sa kalibutan didto, ug ang mahayag nga asul nga mga kalangitan, ug ang katawhan nga miabut gikan sa tanang dapit; kini napahiluna diha sa bato nga pamag-ang didto. Unsa ka gamay nga ako naghunahuna nga kana mahitabo, bisan tuod ang panan-awon miingon sa ingon niini; apan wala napakyas, kini anaa didto bisan unsaon.

9 Ako adunay daghang mga pakighisgut niining semana, tungod kay sa Dominggo, ang dagaya sa grasya sa Presensya sa Ginoo mikanaug. Ug akong gidahum nga mobiya sa Lunes.

Ako adunay... Wala pa kami makabakasyon, ang mga kabataan. Ang akong

bakasyon moabut sa ulahi, sa dili madugay. Apan buot ko nga dal-on ang mga kabataan sa usa ka diyutayng panahon. Sila kinahanglan mobalik ug moadto sa tunghaan karon, ug busa ako naghunahuna nga niining semana mahimong usa ka maayong panahon, mopaingon sa Chicago sunod semana diha nianang panagkatigum didto.

Apan unya, ang—ang dihug sa Espiritu, ako naghunahuna, “Karon ang panahon nga maghimog mga pakighisgut.” Karon ang panahon nga kining—nga ako makahimo nga masakpan sa pipila kanila didto. Ug didto adunay... Akong nakita ang uban sa katawhan nga nagalingkod karon nga anaa diha sa lawak. Sila nahibalo kon ang Ginoo makigtambo kanamo kon dili.

10 Katingalahang butang nga ang tanan gawas sa pipila ka babaye nga si Billy nagbutang sa usa lamang ka higayon sa wala pa, usa ka ginang gikan sa Louisville, siya adunay usa ka gamay nga bata nga ania dinhi. Ako nagtoo sila sa tinuoray nasakop ngadto sa Iglesia sa Dios sa Louisville kon ubang butang. Apan sa matag hitabo, matag usa kanila nga misulod, sa wala pa ako mobiya sa balay ang Espiritu Santo nagtug-an kanako kinsa ang moanhi dinhi, unsa ang ilang pangayoon. Ug akong gisulat sa usa ka papel ug gibutang unsa ang ilang pangayoon ug ilang mga pangutana sa unsang paagi kini ilang ipangutana, ug giunsa sila sa pagtubag. Unya ako mosulti kanila, “Kini mao ang inyong... Tan-awa karon, sa pipila ka mga minuto ang milabay dinhi, unsa ang gisulti sa Espiritu Santo...” Mokab-ot sa talad-sulatanan ug moingon, “Nakita ninyo? Siya nagtug-an kanako niini sa wala pa kamo nahiabut.” Nakita ninyo? Apan samtang ako anaa pa sa balay, kinsa ang moabut didto, ug unsa ang mahitabo, unsa ang ilang mahimong linihokan, ug ang tanan mahitungod niini, sa dili pa ako mobiya sa balay.

11 Akong nakita ang higayon, daghang higayon, sa dihang ako mopadulong sa dalan, nagaampo; akong makita kanang linya sa pag-ampo nga moagi sa akong atubangan ug mahibaloan ang tanang ngalan nga moanha sa linya sa pag-ampo, sa dili pa gayud ako mahiabut dinhi. Nakita ninyo? Tinuod kana. Ug Siya magabuhat... Ug mahibalo diin sila magalingkod sa simbahan ug unsa ang ilang—giunsa nila sa pagbisti ug unsa sila tan-awon. Dili ka makatug-an sa katawhan sa tanang butang sama niana. Kamo... Adunay mga butang nga nahitabo kanimo ayaw lamang tug-ani sila. Dili kinahanglanon nga tug-anan sila. Ako magatug-an lamang sa katawhan nga akong gihunahuna nga makatabang kanila, sa dihang ang Ginoo magpugos kanako sa pagtug-an kanila, moingon, “Isulti kini.” Dili kinahanglanon nga isulti nimo ang tanan nga imong nakita, tungod kay kana dili maayo (Nakita ninyo?); ikaw lamang... Sa pagkatinuod, maanaa ka sa kagubot ug tanang butang pa sama niana. Kinahanglan mahibalo ka sa paggunit nianang mga butang pinaagi sa Espiritu sa Ginoo.

12 Aduna akoy katawhan nga nagatindog sa akong atubangan ug nangutana kanako ug mga pangutana, ako nahibalo sa tukma gayud, apan ako dili magatug-an kanila, tungod kay akong gibati lamang nga gipugngan sa dili pagbuhat niini. Inyong nahinumdoman, ako nagtoo sa miaging Mierkules sa gabii ako nagwali sa “Usa ka Binilanggo”? Nakita ninyo? Nakita ninyo, ikaw buot motug-an nianang tawhana, apan Usa ka butang mosulti, “Ayawg buhata kini. Ayawg buhata kini.” Bisan pa niini ang gasa nagatan-aw gayud ngadto niini. Nakita ninyo? “Ayawg buhata kini. Ayawg buhata kini.” Nakita ninyo, busa mas maayo nga ikaw dili mobuhat niini; kay ikaw may tulobagon sa Dios.

13 Karon, kita wala moanhi karong gabii aron lamang sa pagtindog dinhi. Kita buot nga magpatalinghug sa Pulong sa Ginoo. Ikaw nagaampo, ug kita adunay usa ka kahibulongang panahon, ug—ug ako... Sa kanunay sa dihang ako mokanaug ako nahibalo nga ako magadala niining gamayng libro sa teksto tungod kay adunay... Usahay si Igsoong Neville nga matinagdanon kaayo siya sige ug hangyo kanako, “Mahimo ba buhaton nimo kini, kon buhaton kana, kon mamulong?” Ug ako mitan-aw gikan dinhi hangtud akong makaplagan usa ka teksto sa ubang butang ug unya kami magasugod niini gikan didto. Ug ako seguridad... Karon, seguridad sa Dominggo...

Karon, ako wala... Wala gayud kamo nahibalo, dili kami makatug-an. Inyong makita, ako mianhi dinhi sa mga higayon uban—uban sa usa ka teksto diha sa akong hunahuna nga ako magapamulong, ug magkuha dinhi ug mag-ilis niini sa hingpit. Ug ako adunay mga Kasulatan nga nasulat dinhi; ako moingon, “Akong gamiton kining teksto; akong gamiton kining mga Kasulatan. Sa dihang sila moabut, ako magasulti niini, niana kon sa lain.” Akong isulat, sama sa, I Mga Taga Corinto 5:15, ug II Mga Taga Corinto 7:1, ug Mateo 28:16, ug uban pa, ibutang lamang kini sama niana, sama

niini, ug isulat ang mga Kasulatan. Ug tan-awon dinha, unya nahibalo unsa ang gisulti sa Kasulatan dinha; usahay dili gani matandog kana, moadto sa laing paagi. Ug kami wala lamang nahibalo.

14 Busa karon, kung itugot sa Ginoo, ako buot mamulong, sa pagtapos niining mga han-ay sa mga serbisyo sukad nga ania dinhi, Domingo sa buntag, sa usa ka importante kaayo nga butang. Busa karon, pag-anhi ug sayo, pagpangandam sa pagpabilin ug maulahi ug diyutay, tingali mga alas dos, usa ka butang sama niana. Busa kini mao... Ako—ako nakabaton—ako adunay mga katloan kon kap-atan ka mga Kasulatan nga nasulat nang daan sa butang hilisgutan, apan ako naghunahuna unsa kini... Unsay akong tinguhaon sa pagbuhat, kung ang Espiritu Santo magatabang kanako sa pagkuha sa Mensahe ug ang dapit diin Kini karon, ug magtukod niini dayon diin kini nagsugod, ug magtukod niini dayon ngadto niining panahon.

15 Busa niana sa dihang ako—ako mobiya paingon sa Chicago, nan ako kinahanglan moadto deretso ngadto sa Arizona, ug unya mopadayon, padayon ug padayon. Ug kini tingali, sumala sa akong nahibaloan, kini tingali sa sunod tuig pag-usab, tingali sa sunod ting-init, sa dili pa ako makabalik pag-usab ngadto sa tabernaculo, gawas kung molabay lamang latas niining dalan pag-usab, tungod kay ako adunay mga panagkatigum.

Ug si Billy, karon nagtrabaho sa langyaw alang sa kompleto nga pagbiyahe sa kalibutan nga magsugod dayon human sa Pasko. Ug napuno ang akong mga bulohaton hangtud sa Disyembre, ug, buyno, tingali sa nahaunang semana sa Disyembre, sa Dallas. Busa unya—unya sa Enero buot kami nga magsugod sa kompleto nga pagbiyahe sa kalibutan, palibut, sa kompleto, ug gitrabaho namo kana karon, pangitaon lamang diin ang Ginoo magamando. Ug—ug ako—ako mapasalamaton kaayo ngadto sa—bisan ngadto sa katawhan, ang mga ministro, kutob sa akong masulti batok sa ilang—ilang mga denominasyon ug mga butang sama niana...

16 Kamo nahibalo, sa mga basahon nga nahimutang didto sa luyo karon, si Igsoong Roy Borders nag-atiman sa mga inbitasyon, ug sukad sa Pasko, ang nahauna sa tuig, adunay mosobra sa usa ka libo ka mga inbitasyon palibut sa kalibutan. Usa ka libo ka mga inbitasyon miabut sa luyo didto. Busa ang Ginoo nagamando lamang kanako kung asa sa usa niadto ang pagaadtoan, ug unsa ang pagabuhaton. Kami nagadepende lamang Kaniya. Dili nimo makuha silang tanan. Ikaw—ikaw dili makahimo sa pagkuha sa sobra sa walo kon napulo kanila sa panahon sa ting-init kung imong kompletohon, gawas kung ikaw lamang moadto ug usa ka gabii dinhi ug usa ka gabii didto, ug mao kana ang... Sila nagahangyo alang sa duha ka semana ug tulo ka semana, ug uban pa, samtang ikaw makahimo sa pagpabilin, kon uban kanila moingon, "samtang ang Ginoo magamando," ug—ug tanan sama niana, busa ikaw dili mahibalo sa tukma gayud diin magsugod kon unsay buhaton. Busa gibutang lang namo sila sa atubangan sa Ginoo, ug moingon, "Karon, Ikaw magtug-an kanamo, langitnong Amahan." Ug tabangi ninyo ako sa pag-ampo uban niining kahimtang (Nakita ninyo?); tabangi ninyo ako sa pag-ampo nga kita makahimo sa paghuman niini.

17 Ug ako naghunahuna, human sa paghimo sa serbisyo sa kaayohan sa miaging Domingo, unya tingali niining Domingo kung kita lamang makatudlo ug magdala niini dayon ug ipakita unsa—unsa ang panahon nga kita—asa kita nga dapit, unsa—unsa ang—unsa ang—unsa ang—ang tulo ka pilo nga katuyoan sa dakung plano sa Dios sukad pa sa wala pa ang pagtukoranan sa kalibutan, ug magdala niini ngadto sa panahon karon, ang tulo ka pilo nga plano sa Dios, ang plano. Ako nagatrabaho sa ikaduhang bahin niini karon, nagkuha sa mga Kasulatan, ug nagapangita kanila ug nagpahimutang kanila.

Karon, atong tan-awon, atong iduko ang atong mga ulo sa makadiyut.

18 Ginoong Jesus, ang dakung Magbalantay sa mga karnero, kami nagatigum dinhi karong gabii diha sa Imong labing madagayaon, balaan nga Ngalan. Kami nahigugma Kanimo, Ginoo, ug kami nagapasalamat Kanimo alang niining gabii sa tigum sa pag-ampo, sa mga himno sa simbahan samtang kami nagaawit kanila uban sa kalipay sa among mga kasingkasing, ug—ug nakapatalinghug kanila samtang sila magasulod, nagapalakpak sa mga kamot. Ug unya magapiko kami sa among mga tuhod ug tanan magabubo sa among mga kasingkasing ngadto Kanimo, ug magapasalamat Kanimo sa gibuhay nimo alang kanamo, ug—ug nagahangyo Kanimo sa pagpadayon sa paglakaw uban kanamo.

Ug karon, ang takna nahiabut na alang sa pagbasa sa Pulong ug alang sa usa ka butang aron mamulong ngadto sa katawhan. Giyahi kami sa among mga panghunahuna, Amahan, ug kuhaa ang himaya. Ug pagsulti ug usa ka butang karong gabii, pinaagi kanamo, nga makatabang sa tanan kanamo nga mogawas dinhi uban sa katuyoan sa among kasingkasing aron magkinabuhi nga maarang-arang ug hugot nga magaduol Kanimo kay sa among nahimo sukad. Mao kana nganong ania kami, Ginoo; ania kami aron mahibalo kami ug dugang pa Kanimo. Ug kami nagaampo nga Ikaw magapadayag sa imong dakung pagka Dios kanamo karong gabii diha sa pinadayag sa Imong Pulong, nga kami mahimong mahibalo unsaon nga mahimong usa—usa ka mas maayong Cristohanon ug—ug unsaon sa paglihok dinhi niining katapusang mga adlaw. Kami nangamuyo niini sa Ngalan ni Jesus. Amen.

19 Karon, ang akong panan-aw nahulog ngadto sa usa ka teksto dinhi sa Isaias, Isaias 38. Magabasa kita sa Isaias, Isaias 38:

*Niadtong mga adlaw si Ezechias nasakit nga ikamatay. Ug si Isaias ang manalagna, ang anak nga lalake ni Amos miadto kaniya, ug miingon kaniya: Mao kini ang giingon ni Jehova: Husaya ang imong balay; kay ikaw mamatay, ug dili mabuhi.*

*Unya giatubang ni Ezechias ang iyang nawong ngadto sa bongbong, ug miampo kang Jehova.*

*Ug miingon: hinumdomi karon, Oh Jehova, ako nagapangamuyo Kanimo, kong giunsa nako ang paglakaw sa Imong atubangan sa kamatuoran ug uban ang usa ka hingpit nga kasingkasing, ug nakabuhat nianang maayo sa imong mga mata. Ug si Eze... Ezechias mihilak sa hilabihan gayud.*

*Unya miabut ang pulong ni Jehova kang Isaias nga nagaingon;*

*Lakaw, ug ingna si Ezechias: Mao kini ang giingon ni Jehova, ang Dios ni David, nga imong amahan: Nadungog Ko ang imong pag-ampo, nakita Ko ang imong mga luha: ania karon, dugangan Ko ang imong mga adlaw napulo ug lima ka tuig.*

20 Hinaut ang Ginoo magadugang sa Iyang mga panalangin ngadto sa pagbasa niini. Kini usa ka mahinungdanon kaayo nga butang hilisgutan alang sa usa ka hamubo nga mensahe dinhi, ako nagatoo. Buot ko nga tawagon kini: “Ang Dios Wala Magtawag Sa Tawo Ngadto Sa Paghukom Nga Nahauna Walay Pagpasidaan.” Ug atong—atong—atong kuhaon ang—ang kaagi kon ang plataporma niini dinhi niining teksto karong gabii, ang Dios nagapasidaan sa mga tawo sa dili pa magpahamtang kaniya sa iyang kamatayon.

Karon, matag-usa anaa niini. Kita tingali mosulti, “Buyno, kining tawhana namatay nga walay pagpasidaan.” Dili, dili, dili. Ang Dios dili gayud... Ikaw wala nahibalo unsa ang anaa diha sa kasingkasing sa tawo; nahitabo sa iyang kinabuhi. Nakita ninyo? Ang Dios dili gayud magdala sa bisan kinsang tawo ngadto sa iyang kamatayon nga nahauna dili magpasidaan kaniya mahitungod niini, magtug-an kaniya, kini usa ka butang, usa ka pagpangandam. Ang Dios usa—usa ka gamhanan sa tanan, ug Siya—Siya nagatuktok sa kasingkasing sa tanang tawo, nagahatag kaniya sa kahigayonan sa pagduol. Karon, Siya tingali magpasidaan ug magsalikway niini ug mapahilayo, moingon, “Ah, kini usa lamang nga binuang nga pagbati; malampasan ra nako kini.” Apan bisan unsaon, kini mao ang Dios, ang Dios nakigsulti kaniya.

21 Ug ang Dios dili gayud magpadala ug paghukom ibabaw sa yuta nga nahauna walay paghatag sa pagpasidaan sa katawhan. Ang Dios dili gayud magabuhat ug bisan unsang butang nga walay pagpadayag niini nahauna unsay Iyang pagabuhaton. Ug siya nagahatag sa katawhan ug mapilian, ug ikaw makahimo—ug ikaw makahimo sa pagbuhat ug husto kon sayup. Mao kana ang Iyang... Nakita ninyo, ang Dios dili gayud magbalhin sa Iyang—Iyang kinaiya. Ang Iyang—Iyang programa dili gayud mabalhin gikan sa Iyang gisugdan, tungod kay Siya walay kinutoban ug ang Iyang programa ug ang Iyang mga ideya tanan hingpit. Busa kung Siya mag-usab Niini, kana magpakita nga Siya nagtuon ug dugang pa. Busa, ingon nga walay kinutoban, Siya dili makahimo sa pagtuon ug dugang pa. Ang Iyang—Iyang nahaunang—Iyang nahaunang desisyon sa kanunay hingpit, ug walay bisan unsang butang nga makahimo gayud sa pag-usab niini. Nakita ninyo?

Ang Dios, sa dili pa gayud ang tawo ibutang—adunay higayon sa pagbuhat ug

sayup, ang Dios magbutang kaniya diha sa basihanan ngadto diin siya mahimong makadawat kon mosalikway, siya makahimo sa pagdawat kon—kon dili.

22 Moingon, sa laing paagi, kung kanang ministro dinhi, Igsoong Baker, ako nagatoo nga anaa sa—sa mga pakighisgut sa miaging adlaw, akong nakuha ang iyang mga pangutana nga iyang gisulat alang kanako mahitungod sa kaliwat sa bitin. Akong gibutang sila sa luyo dinhi karon. Kung ania siya dinhi, oo, buyno... Dili nako makita siya sa bisan diin karong panahona. Apan kini ania dinhi. Siya ug ang ang iyang asawa, usa ka maayo kaayong tawo ug usa—usa ka babaye, apan sila—sila dili makasabut sa pipila ka mga butang mahitungod sa pagtudlo sa kaliwat sa bitin, giunsa niana—niana—ubang mga pangutana mahitungod sa unsa ang akong gisulti, ug—ug ang mga wali sa unahan niana, ug—ug ang paghisgut mahitungod sa—sa pagmabdos ug uban pa. Apan ako... Unya kini sama lamang sa igsoon, usa ka maayong tawo, usa lamang ka Cristohanon sa pipila ka mga tuig kon duha, apan dili lamang makasabut. Nakita ninyo?

23 Kini malisod kung ikaw dili... Kinahanglan ikaw magaagad sa Espiritu Santo tungod kay kining Biblia gisulat diha sa mga tanghaga. Dili ka makahimo sa paglingkod lamang ug magabasa Niini sama sa usa ka pamantalaan. Kini tinago. Oo, sir. Unsaon nimo sa pagpamatarung sa Dios sa dihang Siya misulti kang Moises didto sa itaas, miingon, "Karon, ayaw paghimo ug linilok nga mga larawan," diha sa Iyang mga kasugoan, "ayaw paghimo ug bisan unsang butang sama sa langit, bisan unsang—bisan unsang Manulonda, kon bisan unsang butang pa; ayaw paghimo ug bisan unsang linilok nga mga larawan," ug bisan pa sa maong adlaw nagsulti kaniya nga maghulma ug duha ka mga Manulonda gikan sa tumbaga ug ibutang diha sa lingkoranan sa kalooy, diin anaa ang kalooy? Nakita ninyo? Kinahanglan imong mahibaloan ang Dios ug ang Iyang Kinaiya sa dili ka pa makahimo sa pagsabut sa Iyang Pulong. Siya—siya—siya adunay yawi ngadto nianang Pulong sa Iyang kaugalingon, ug Siya—Siya ang mao lamang ang makahimo—makahimo sa pag atiman Niini ug pag-abli Niini, ug busa Siya ang Usa nga makapadayag Niini.

24 Ug karon, atong makaplagaan nga ang Iyang Kinaiya ania dinhi aron sa kanunay magapasidaan sa tawo sa dili pa ang paghukom, aron sa pagpasidaan sa usa ka nasud sa dili pa ang paghukom, ug uban pa. Siya sa kanunay nagahatag sa Iyang pasidaan, usa ka pagpahinumdom kanato, sa usa ka kapangakohan, ug ang Dios nagbutang kanato dinhi sa yuta sa usa ka hinungdan, ug kanang hinungdan nga Siya nagbutang kanato dinhi, kita may kapangakohan ngadto Kaniya alang nianang hinungdan. Kinahanglan ikaw moadto Kaniya ug susihon unsa ang Iyang buot nimo nga buhaton. Nakita ninyo? kung ikaw dili...

Kung ikaw magtrabaho alang sa usa ka tawo, ug siya magahatag kanimo ug trabaho diha sa ranso, kon laing ubang butang, ug ikaw miadto sa kwadra ug—ug magalingkod lamang didto, ug moingon, "Buyno?" Nakita ninyo, kinahanglan moadto ka kaniya ug pangutan-on unsa ang buot niya nga imong pagabuhaton, ug unya buhata kini. Kung ikaw magatrabaho alang sa usa ka tawo, susiha unsa ang imong mga katungdanan.

Ug unya kung ang atong kinabuhi ania sa—sa kalibutan dinhi, nan kinahanglan kita moadto sa Usa Kinsa nagbutang kanato dinhi, ug, "Ginoo, unsay Imong ipabuhat kanako? Unsay—unsay—unsay kinahanglan nako nga buhaton? Ngano nga ako ania dinhi?" Kung kini ngadto sa mahimong usa ka asawa, maghugas ug plato, kung kini mahimong... Bisan unsa ang buot sa Dios nga imong buhaton, nan imong buhaton kana sa pinaka maayo nga imong nahibaloan kung unsaon sa pagbuhat niini. Bisan unsa ka gamay, bisan unsa ka gamay kini, kinahanglan buhaton nimo kini.

Ikaw moingon, "Buyno..." Ang nakapagubot niini mao, matag-usa kanato buot mobuhat sa bulohaton sa laing tawo. Kita buot nga mobitbit sa bola, sumala sa atong ginaingon. Nakita ninyo?

25 Sama niining orasan dinhi, karon, matag gagmayng lihok dinha niana adunay iyang dapit. Karon, matag bahin niini dili mahimong mga kamot. Karon, ako nagatan-aw lamang sa mga kamot aron sa pagtan-aw unsang orasa kini. Apan kung ang usa kanilang gagmayng mga ruyda sa sulod didto dili motuyok, dili kana magahatag ug husto nga oras.

Ug mao kana ang paagi niini sa katawhan. Kitang tanan, ang Lawas ni Cristo kinahanglan maanaa sa ilang dapit diha sa panagkauyon. Nakita ninyo? Unya ang

kalibutan motan-aw aron makita unsa kini. Nakita ninyo, nakita ninyo? Apan sila nagabantay kaninyo. Ug kung ikaw usa ka gamayng muwelye, dakong muwelye, kon bisan unsa ka man, imong buhaton ang pinaka maayo nga trabaho nga mahimo niana.

26 Karon, tungod kay kita adunay kapangakohan kita kinahanglan nga manubag ngadto sa Dios sa ulahing adlaw. Matag-usa ka tawo nga mitungha sa nawong sa kalibutan kinahanglan nga manubag ngadto sa Dios ingon nga usa ka kapangakohan. Ug ngadto sa kadaghanan kanato, usa ka tinugyanan, kita kinahanglan manubag. Kita... Kining kapangakohan usa ka pagkatinugyanan nga gikatugyan kanato pinaagi sa Dios; dili ako manumbaling kung unsa kini. Maingon sa akong gikasulti sa miaging pipila ka mga gutlo, "usa ka asawa," nan mahimong usa ka tinuod nga asawa. Tinuod kana. Kung kini mahimong usa ka mag-uuma, himoa nga tinuod nga mag-uuma. Bisin unsa man kini nga gibutang sa Dios nga imong buhaton, ikaw adunay pagkatinugyanan aron sa pagbuhat niana; kinahanglan ikaw manubag ngadto sa Dios alang niana, tungod kay gikuha kining tanang butang aron buhaton kini.

27 Si Ezechias gitug-anan sa paghimo ug pagpangandam ug mangandam tungod kay siya makigtagbo sa iyang Magbubuhat. Karon, si Ezechias usa ka hari, ug usa—usa ka dakung tawo. Namatikdan ba ninyo ang iyang paghangyo dinhi? "Ginoo, ginapangaliyupo ko nga paminawon Mo ako. Ako—ako nagalakaw sa Imong atubangan uban sa hingpit nga kasingkasing." Unsa kini nga usa ka pagpamatuod nganhi—nganhi—nganhi kanato karon, ug kinahanglan kini mao gayud. Usa ka tawo nga nagalakaw sa atubangan sa Dios.

Bisan gipahayag na ang kamatayon sa tawo ug bisan pa niana ang Dios nag-usab sa Iyang hunahuna mahitungod kaniya, tungod kay si Ezechias buot mobuhay ug usa ka butang. Ug ang Dios nagsulti nga Siya magahatag sa atong mga tinguha sa atong kasingkasing. Ug ang panahon ni Ezechias miabut, ug siya—siya adunay kanser, kon laing ubang butang, ug—ug ilang gitawag kini nga "hubag" niadtong mga adlaw, apan kita nahibalo nga ang hubag sa kasagaran dili makapatay kanimo; sila mamaayo lamang. Apan kini tingali usa ka kanser, ug kini migula ingon nga usa ka hubag. Ug—ug ang Dios nagsulti kang Isaias, miingon, "Lakaw didto ug ingna siya nga siya mamatay." Ug si Ezechias adunay usa ka butang nga buot pa niya nga buhaton. Siya adunay—siya adunay...

28 Sa dihang ikaw mangamuyo ug bisan unsang butang ngadto sa Dios, kinahanglan ikaw adunay usa ka hinungdan alang niini. Kini sama lamang niining Kasulatan nga sa makadaghan akong gihisgutan, "Kung ikaw mosulti niining bukid, 'Mabalhin,' ug dili magduhaduha, apan motoo sa imong gisulti nga matuman, ikaw makaangkon sa unsa ang imong gipamulong." Karon, kanang tanan naggahum sa motibo ug katuyoan (Nakita ninyo?) kondili kini—kondili kini dili mahitabo. Nakita ninyo?

Ikaw dili lamang makagawas dinhi... Mao kana diin daghan kanato nakahimo ug daghang mga sayup, mogula ug moingon, "Karon, akong ipakita kaninyo ako nakabaton ug pagtoo nga makabuhay niini." Karon, ikaw nasayup sa pagsugod pa lamang. Ang Dios wala maghatag kanimo sa mga gasa aron sa pagdula niini.

Maingon sa akong gisulti sa dili pa lang dugay, Siya wala magpakita kanimo ug mga panan-awon aron sa pagdula lamang niini. Walay bisan unsang butang nga pagadulaan; kana sagrado. Gamita lamang kini—sumala sa ipabuhay sa Ginoo kanimo. Himoa nga ikaw binilanggo ngadto kaniya. Bisin unsa ka daghan ang buot nimong isulti ngadto nianang tawhana nga siya sayup, ug unsa kini, kana, kon sa uban, kinahanglan magpuyo ka hangtud ang Dios mosulti sa ingon niini. Unya sa dihang ang Dios mosulti sa ingon niini, nan ikaw makahimo sa pag-anha uban sa MAO KINI ANG GISULTI SA GINOO. Hangtud niana, kalimti lamang ang mahitungod kaniya.

29 Ang—ang kalibutan karong panahona sama lamang kang Ezechias kaniadto; kini gipasidan-an. Sa kanunay kini ginapasidan-an. Ang iglesia ginapasidan-an. Ug karon, kining mga butanga dili lamang mahitabo pinaagi sa usa—pinaagi sa usa ka sulagma. Silang tanan adunay usa ka butang nga nagpaluyo kanila. Karon, si Ezechias, nga nagsakit, nga adunay hubag, kini dili pinaagi sa sulagma. Ang Dios nagpadala kang Isaias didto ug nagsulti kaniya sa paghikay sa iyang balay karon tungod kay siya mamatay. Ug si Ezechias mihilak ug nagsugilon sa Dios, "Ako nagalakaw sa atubangan Nimo uban sa hingpit nga kasingkasing, ug ako—ako nagaampo nga Ikaw magpalingkawas sa akong kinabuhi alang sa usa ka katuyoan, sa usa ka maayong

katuyoan, ang katuyoan sa Dios.”

Ang Dios nagsulti sa profeta, miingon, “Lakaw balik ug ingna siya.”

30 Karon, dili ba kana kahibudngan? Si Ezechias mao ang labing dakung tawo sa yuta. Nakita ninyo? Si Ezechias usa ka hari ug usa ka diosnon nga tawo. Siya usa ka tinuod nga tawo, kung siya mangamuyo niana sa atubangan sa Dios ug ang Dios dili mobadlong kaniya alang niini, “Ako nagalakaw sa Imong atubangan uban sa usa ka hingpit nga kasingkasing.” Karon, mao kana ang pamulong nga daku. Nakita ninyo?

Ang Dios wala gayud nag-ingon, “Dili Ezechias, wala nimo buhata kini,” apan Siya nag-angkon nga siya nagbuhat niini. Ug Siya miingon, “Ako maga—magapalingkawas sa imong kinabuhi sa hataas pa ug diyutay. (Nakita ninyo?) Ako magahatag sa imong hangyo,” (Nakita ninyo?), tungod kay siya matarung man nga tawo; siya usa—usa ka tinuod nga alagad ni Cristo.

31 Ug unya atong bation nga kita adunay katungod sa pagpangamuyo ug usa ka butang kung ang—kung ang atong katuyoan husto, ug unya ang atong motibo ngadto niini.

Karon, atong makita karong panahona nga sa miaging daghang mga katuigan, ako moingon sa miaging napulog lima, ngadto sa dugang mga katuigan, nga sa kanunay adunay pagpasidaan ngadto sa latas sa nasud, “Paghinulsol kon mamatay.”

Inyong namatikdan, ako namulong karong adlaw ngadto sa asawa sa sayo pa lamang niining kabuntagon, ug ako... Sayo sa pamahaw, kami nagalingkod sa lamesa nag-istoryahanay sa wala pa ako mibiya. Ako miingon, “Asawa...” Siya naghisingut mahitungod kang Billy Graham, ug mahitungod sa iyang asawa, giunsa gayud ka yano ug tanang butang sila nagtinguha sa pagkinabuhi. Ako miingon, “Mao kana ang usa ka tinuod nga alagad sa dihang siya nagtinguha nga dili... sa dihang siya... ang tawo tingali makahimo ug duha kon tulo ka milyon sa usa ka tuig gikan sa iyang mga kampanya, apan siya wala modawat niini; ang iyang kapunongan nagkuha niini, nagbutang niini balik ngadto sa bulohaton ug pagsibya, ug uban pa. Ug si Billy nakakuha ug mga kaluhaan ug lima ka libo sa usa ka tuig.”

siyan miingon, “Giunsa gayud niya paggasto ug kaluhaan ug lima ka libo kada tuig?”

Ako miingon, “Siya—siya nagkuha lamang sa angay kaniya; mao lang kanang tanan. Siya adunay bayranan alang sa balay ug tanang butang.” Ako mipadayon, ug ako miingon, “Ako adunay daghang pagtahud alang kang Billy Graham,” ako miingon, “tungod kay siya adunay mensahe, ug kanang mensahe mao ang paghinulsol.”

Ug niana, ako magsulti kaninyo, walay bisan kinsa nga akong nahibaloan, nga anaa sa yuta karong panahona, nga ang Dios naggamit uban sa usa ka mensahe sama kang Billy Graham. Oh, siya nagkuha niini nga malig-on; siya nagabarug lamang didto ug, buot nakong ipasabut, siya nagatawag kanila nga mga politiko ug mga membro sa simbahan ngadto sa paghinulsol. Apan kutob lang siya diha.

32 Ug ania miabut si Igsoong Oral Roberts, laing bantugang alagad sa Ginoo. Ug walay bisan kinsa nga miabut didto ug itandi kang Oral Roberts. Kanang bulldog nga pagkupot lamang—siya lamang nagapanghingilin sa mga dautang espiritu ug nagatawag sa Ngalan sa Ginoo ug—ug gamayng mga kahingangha, ug uban pa, mahitungod sa Langitnong kaayohan. Mao kana ang tinuod gayud. Adunay usa ka mensahero sa Pentecostes.

Adunay mensahero ngadto sa denominasyonal nga iglesia sa kalibutan (Nakita ninyo?) ug sa walay pagkabana nga kalibutan.

Ug unya tan-awa ang palibot sa atong kaugalingong gamayng mapainubsanong pagpang-alagad, nagabarug “Si Jesu-Cristo mao sa gihapon kagahapon, karon, ug hangtud sa kahangturan.” Nakita ninyo? Unsa ang gibuhat niana? Ang pagtawag nianang Pangasaw-onon nga gropo. Nakita ninyo? Nakita ninyo? Nakita ninyo, kini-kini nagtawag gikan niadtong mga gropo. Kini nagkuha sa usa ka Ligid gikan sa ligid. Nakita ninyo unsay buot nako nga ipasabut?

33 Ug unya ang Dios nagpamatuod nianang mensahe nga giwali ni Billy Graham. Ang Dios nag-ayo sa masakiton pinaagi sa mga pag-ampo ni Oral Roberts. Ug ang Dios nagapadayag sa mga butang nga si Jesus—nagpamatuod nga si Jesu-Cristo mao sa gihapon kagahapon, karon, ug hangtud sa kahangturan. Ug kini nagatawag niadtong



mga butang nga... Kini mao ang mga mensahe sa takna. Ug matag-usa niadtong mensahe nagatawag, "Paghinulsol kon mamatay." Tinuod kana. "Paghinulsol kon mamatay." Wala nay mga paglaum; kining tanan mahanaw. Ang kalibutan gipasidan-an sa Iyang pag-anhi. Matag-usa sa mga mensahe namulong ug nagpasidaan sa pag-anhi sa Ginoong Jesus, ngadto usab sa iglesia nga denominas...

34 Hinumdomi, ang Dios sa kanunay anaa diha sa tulo (Uh-huh.). sama sa Amahan, Anak, ug Espiritu Santo; ug pagkamatarung, ug bau—ug pagkabalaan, bautismo sa Espiritu Santo; ug uban pa; siya anaa diha sa tulo.

Karon, ang Dios mao kanang mensahe sa paghinulsol ngadto sa iglesia sa ngalan lamang. Ang Dios anaa nianang mensahe sa Langitnong kaayohan ngadto sa iglesia nga Pentecostal. Ang Dios anaa diha sa Mensahe ngadto sa Pangasaw-onon. Nakita ninyo? Busa atong makaplagan nga silang tanan nagtawag, usa ngadto niini, niini ngadto niana, ug kana ngadto niana. Ang Dios nagtawag sa iglesia gikan sa kalibutan diha—sa denominal nga iglesia ngadto sa Pentecostes; ug nagtawag sa Pangasaw-onon gikan sa Pentecostes. Nakita ninyo?

Sama kang Luther, Wesley, ug karon. Nakita ninyo, kining tanan mao lamang sa hingpit nagtipo ug walay sayup mahitungod niini. Akong naigo ang tanan nga mga tumoy niini, ug mga kilid niini, ug sa sulod ug gawas niini, ug nagpakita niini pinaagi sa Kasulatan, ang kronolohiya niini, hangtud kita mahibalo nga kini mao ang hingpit nga kamatuoran. Nakita ninyo? Walay sayup. Sa Domingo ako naglaum nga ang Dios magpalalum niini pagmaayo nga ikaw dili gayud makapahilayo gikan niini. Nakita ninyo?

35 Karon, ang Dios naghatag ug pasidaan, pangandam alang sa paghukom. Ang mga bomba atomika anaa na mga butanganan, ang tanan nga mga butang naandam na. Ug ang Dios, sa dili pa Niya kini tugotan nga mahitabo, Siya maghimo ug usa ka pagtawag sama sa Iyang gibuhat didto sa Sodoma, "Gomula kamo gikan niini. Pangandam. Adunay usa ka butang nga mahitabo."

Sama sa mga adlaw ni Noe, sa wala pa ang Dios nagpadala ug mga tubig sa paglaglag sa kalibutan diha sa dakung paglunop sa kalibutan nga nagbuhat ug sala, ug si Jesus sa tin-aw nag-ingon nga kini mao ang usa ka adlaw nga sama niini. "Maingon sa mga adlaw ni Noe, maingon man usab sa pag-abut sa Anak sa tawo." Giunsa sa mga kababayan-an sa pagpatuyang, ug—ug nagminyo ug nagpaminyo, ug—ug ang dakung mga kalampusan sa syensya, ug ang maigmat nga edukado nga moadto sa maalamon nga dapit, ug ang gamayng mapainubsanong Panon nga nagapahiluna sa usa ka dapit nagapaabut sa gipugngang paghukom ug ang pag-ikyas. Ug sa dili pa ang Dios magpadala ug paghukom, siya magpadala ug usa ka profeta (Uh-huh.).

Sama sa Iyang gibuhat ngadto kang Ezechias, Siya miingon, "Pangandam, kay ang mga paghukom andam na nga ipatuman."

Ug iyang gipaandam ang katawhan alang sa panahon. Si Noe nagpaandam sa katawhan, ug kini usa ka tawag sa kalooy sa dili pa ang paghukom.

36 Ang Nineve gipahibaloan sa wala pa ang ilang panahon. Ang Dios milantaw sa Nineve, ug Siya miingon, "Ako—Ako nasubo ug gikapoy niining mga butanga." Ako—Ako—Ako nahibalo nga—nga ang—bisan kanang dakung, pagano, Gentil nga kalibutan... Ang ilang syudad, maingon kaniadtong mga adlaw, sila pagahukman pinaagi sa syudad, karon pinaagi sa mga nasud, karon human ang katawhan midaghan sumala sa paagi kaniadto. Siya miingon, "Kanang dakung syudad nagtugyan ngadto sa pagpakasala."

Ug ang Dios, sa dili pa Siya magpadala ug paghukom, Siya magpadala ug usa ka pasidaan nga mensahe, "Gumula kamo gikan niini. Gawas dayon." Bantayi, ang profeta wala gayud mosulti ug bisan unsang butang gawas—gawas sa paghimo... Miingon, "Sulod sa kap-atan ka mga adlaw kining syudara pagalaglagon."

37 Ug, oh, giunsa usahay nga kini malisod sa pagbuhat sa maong mga butang sama sa pagsulti niana sa katawhan. Kung ang profeta dili magbantay, siya maanaa sa kasamok, tungod kay siya mahimong modapig sa usa ka bahin, nagtinguha sa paghimo niini nga masayon, kon mopauyon-uyon ug diyutay dinhi ug diyutay didto. Apan ang tinuod nga profeta adunay sugo gikan sa Dios, dili gayud mopauyon-uyon sa bisan unsang butang; siya sa hingpit magpahaluna niini gayud diha sa linya.

Mao kana ang hinungdan Siya naggamit sa makadaghan sa espiritu ni Elias (Nakita ninyo?), tungod kay kanang espiritu sa kanunay nagpatuman sa Iyang mga sugo. Nakita

ninyo? Nakita ninyo, kini nagdala sa Iyang mga sugo sa tukma gayud unsa kini, ug sa kanunay ang "Balik ngadto sa Pulong." Nakita ninyo? Sa kanunay nagadala kanila balik ngadto sa Pulong.

38 Karon, atong makaplagaan ang Nineve anaa sa sala. Ug ang profeta nag-ukon-ukon, tungod kay kini usa ka Gentil nga nasud, usa ka Gentil nga katawhan, dili iyang kaugalingon; kini dili mga Hebreohanon. Sila mga Gentil. Usa ka dakung barko, patigayon nga dunggoanan mao kanang Nineve, adunay dakung pangisda nga industriya didto, ang katawhan nagapangisda. Ug—ug sila—sila adunay—tingali adunay usa dakung makasasala nga nasud didto: daghan ug kuarta. Ug—ug asa ang kuarta abunda, ug ang katawhan anaa sa nabantog nga panan-aw sa maong adlaw, ang sala sa kanunay ginahimo, ug kabangis.

Ang Dios gikapoy na niini. Busa siya adunay usa ka profeta diha sa yuta, busa Siya miingon ngadto sa Iyang profeta, "Lakaw didto sa Nineve ug pagsinggit, 'Sulod sa kap-atan ka mga adlaw ang syudad pagalaglagon.'"

Karon, si Jonas naghunahuna karon, tingali ako makaapil sa diyutayng kasamok." Busa siya buot nga mas makapaniguro, siya naghunahuna nga siya magbakasyon ug diyutay ug—ug moadto sa Tarsis. Ug atong nakaplagaan nga ang—adunay kap-atan ka mga adlaw lamang nga nahibilin. Nakita ninyo?

Busa ang mensahe dinalian; ang panahon ania na. Ayaw pagdula uban sa laing mga butang ug magkuha ug usa ka titulo sa Batsilyer sa Arte ug makaplag ug ubang butang. Ang panahon ania na. Mao kana ang hinungdan sa katawhan karong panahona; nagatinguha kita sa pagtukod ug dagkung mga tunghaan ug magbaton ug dagkung mga butang sama niana. Sa dihang ang kalooy... Tan-awa, kung kita magwali sa pag-anhi sa Ginoo, unsay atong kinahanglan sa mga tunghaan? Kita nagkinahanglan sa paghinulsol ngadto sa Dios. Nakita ninyo?

39 Sama kang Hudson Taylor nga miingon ngadto sa batan-ong misyonaryo, siya miingon... Kon, usa ka batan-ong Tsino nga lalake mianha kaniya, siya miingon, "Mr. Taylor," miingon, "ang Ginoong Jesus nagpuno kanako sa Iyang Espiritu." Miingon, ako—ako malipayon kaayo." Miingon, "Makahimo ba ako sa pagkuha ug napulo ka mga tuig karon ug magkuha ug akong mga titulo ug uban pa?"

Siya miingon, "Anak, ayaw pagpaabut sa mga titulo. Kung ang kandila magasiga, lakaw isugilon kini. Lakaw isugilon kini, ayaw pagpaabut ug titulo. Ayaw, mahimong halos mawad-an ka ug kusog sa dili ka pa mahuman sa imong titulo."

Kita magbuhat, sa dihang kini magasiga, kung ikaw walay nahibaloan sa bisan unsang butang pa, isugilon lamang giunsa kini sa pagsiga. Ayaw tinguhaa lamang sa pagkuha ang dapit sa ubang tawo pa, kon ubang dapit. Sa dihang imong nahibaloan kini, isugilon lamang unsa ang imong nahibaloan nga Kamatuoran, "Mao kini ang paagi Kini miabut kanako, ug mao kini giunsa nako sa pagbati mahitungod Niini." Mao kana... Kung ikaw wala mahibalo labaw niana, isulti kana. Manglakaw kita. Ang Mensahe dinalian; ang panahon ania na.

40 Karon, unsa kung si Isaias mosulti, "Buyno karon, ako magpaabut ug tan-awon nahauna unsaon niya sa paglingkawas nianang hubag. Nakita ninyo? Nakita ninyo giunsa—giunsa niini...

Nakita ninyo, ang Dios nagsulti kaniya, "Lakaw didto ug suginli siya karon dayon." Nakita ninyo?

Ug Siya nagsulti kang Jonas sa paglakaw. Oh, tan-awa.

Ug sa dihang siya miadto didto nianang kadagatan ug diha nianang lawom nga dagat, ug—ug ang barko nakatagbo ug bagyo, ug ilang gipanaug ang layag ug kini mituyok ug mituyok, sila natingala unsa sa kalibutan ang nahitabo didto. Apan dili sila makalingkawas, tan-awon sama sa butang nga napuno sa tubig. Ug—ug ang matag-usa ka tawo nagtawag sa iyang dios, ug ang nahaunang butang kamo nahibalo... Si Jonas anaa sa iyang bakasyon, busa siya naghunahuna nga siya motulog ug maayo, ug siya tingali miadto sa kinaubsang bahin sa barko, ug naghigda didto uban sa iyang tiil nga nagtanday paibabaw, nahinanok. Ug siya miingon, "Pagmata, O tapulan, ug pagtawag sa imong Dios." Ug si Jonas nahibalo unsa ang sayup.

Busa mao usab ang matag-usa ka tawo nahibalo unsay sayup karong panahona.

Nakita ninyo?

41 Ug siya miingon, Kining tanan akong sayup. Gapusa ang akong mga kamot, ug ilabay ako ngadto sa dagat, ug unya kining kasamok mohunong." Ug sila medyo maayo nga mga tawo sama sa pundok sa mga tawo ug sila dili buot mobuhat niana, ug ilang nakaplagan nga siya usa ka profeta ug nahibalo unsa ang iyang ginasulti. Siya miingon, "Ako—ako naghunahuna nga nahauna ako magbakasyon, apan—apan ang Ginoo dili buot nga ako magbakasyon. Kinahanglan ako moadto didto; ako adunay usa ka bulohaton nga pagabuhaton. Ako naghunahuna nga ako magpahulay ug kadiyut sa dili pa ako moadto, apan kinahanglan ako moadto. Ang—ang mensahe dinalian; kinahanglan ako moadto."

Akong gihunahuna, sa dihang kanang maong giandam nga isda nagtulon kaniya ngadto sa iyang tiyan, siya mitalikod ug naglabay ug tubig sa tibook nasud, ug miadto sa Nineve kutob sa iyang mahimo. Ang Dios nagdala nianang mensahe paingon didto diha nianang maong giandam nga isda. Ug siya miadto sa Nineve kutob sa iyang mahimo, tungod kay siya—siya adunay mensahero nga misakay ug siya—siya kinahanglan nga iyang ihatud didto. Siya nakasakay sa sayup nga barko, apan ang Dios nag-andam kaniya ug usa ka barko alang kaniya.

Busa kamo nahibalo, ang Dios makahimo pagbuhat ug dagkung mga butang kung kita lamang magpatalinghug Kaniya. Nakita ninyo? Siya—Siya makahimo—Siya makahimo ug mga paagi diin walay paagi; Siya mao ang Dalan. Nakita ninyo? Ug sa dihang ang mensahe sa pagkatinuod dinalian, sama karong panahona, ang Dios magatagana ug paagi.

42 Atong mamatikdan pag-usab sa dihang si Amos... Ako nagwali niining tawhana, si Amos. Kung buot kamo nga mobasa sa sugilanon sa ubang panahon, kini maayo kaayo. Basaha ang sugilanon ni Amos, nahaunang capitulo sa Amos. Siya laing tipo sa—sa pagpasidaan sa dili pa ang paghukom modasmag sa sala. Karon, ang syudad nga iyang pasidan-an didto, usa ka pundok sa mga Judio nga—nga silang tanan medyo nasimang sa linya ug nahimong usa ka dakung sentro sa turista. Ug—ug ako naghunahuna, samtang ako nagahatag ug panag-ingnan nianang kabuntagon, nagahisgut kaniya, nga sa dihang ang iyang upaw nga ulo mibutho sa ibabaw sa bungtod ug ang iyang daang gamayng mga mata nagkagamay samtang siya naglantaw ug nakakita sa sala nianang dakung nasud ug katawhan, ang iyang ubanon nga bungot samtang siya naghikap niini sama niana... Tan-awa, unsa ka usa ka butang. Apan walay bisan kinsa nga nahibalo kung asa siya gikan.

Walay bisan kinsa nga nahibalo niadtong mga ptofeta; sila mitungha lamang gikan sa laing dapit ug molakaw sa maong paagi.

43 Apan miadto sa syudad uban sa "MAO KINI ANG GIPAMULONG SA GINOO. Paghinulsol, kon mamatay. Kay ang Dios magalaglag niining nasud. Siya—Siya magapapas niining dapita gikan sa yuta. Kamo naghimo ug pakigsabot sa inyong kaaway. Ug sa inyong paghunahuna kamo—kamo anaa sa kalinaw, uban sa inyong kaaway, apan sa tanang panahon ang mga Asirianhon nagtukod didto. Dili kamo mag-uban nga managkakuyog gawas kung kamo nagkauyon. Mao lamang kanang tanan." Busa siya miingon...

Ang Dios buot nga kita magpahilayo sa atong kaugalingon. Siya buot nga kita, mogula gikan sa kalibutan, dili magtinguha nga magkinabuhi uban sa kalibutan ug ang Dios usab, dili magtinguha sa paagi sa kalibutan ug sa Dios. Kinahanglan ikaw magkinabuhi alang sa Usa kon sa lain; kinahanglan ikaw motoo sa Usa kon sa lain.

44 Ug karon, atong makaplagan nga, kining Amos, siya sa pagkatinuod nagtaga sa usa ka paghukom ibabaw sa iyang katawhan gawas kung sila maghinulsol. (Ug—ug, tan-awa, busa—busa kini haum gayud sa atong adlaw.) Ako naghunahuna niining dakung syudad, samtang nagatan-aw balik niini pag-usab, ang dakung syudad didto, giunsa niana kini sa tanan gitugyan, ug—ug ang usa ka dakung ekonomiya sila adunay tanang butang, mauswagon. Ug sila naghunahuna nga sila sa tukma gayud anaa sa kabubut-on sa Ginoo, tungod kay sila nagmauswagon. Apan ilang nakaplagan nga ang Dios dili sa kanunay mag-uugmad sa kauswagan. Dili, ang Dios... Usahay sa dihang ang kauswagan moigo sa mga kasimbahanan, kini nagpahilayo gikan Kaniya.

45 Kamo nahibalo, ang Dios namulong sa Israel usa ka higayon, miingon, "Akong nakaplagan ikaw nga dugoan sa uma, ug Ako naghugas kanimo ug gidala sa sulod,"

aron mahimong Iyang kaugalingon nga anak. “Ug unya sa dihang ikaw midaku, ug usa ka matahum nga batan-ong babaye, ikaw nahimong usa ka bigaon.” Siya miingon, “Ikaw—ikaw—ikaw nagahatag lamang sa imong kaugalingon ngadto sa matag lumalabay.” Nakita ninyo? “Apan sa dihang ikaw kabus ug nagakinahanglan, sa dihang—sa dihang ikaw dunay kinahanglan, ikaw nag-alagad Kanako. Apan sa dihang ako nagpanalangin kanimo ug naghatag kanimo sa kadagaya, human niana ikaw mipahilayo Kanako.” Ug kini nagpamatuod lamang nianang paagi. Oh, tan-awa.

Karon, atong nakaplagaan nga kining profeta sa tinuoray nagbadlong nianang nasud, kining Amos. Siya usa lamang ka magdadaro. Apan atong nakaplagaan nga sa dihang siya nagbuhat, nagbadlong ug nagsulti kanila unsa ang mahitabo, ug nagsugilon kanila kung dili sila mobalik sa Dios nga ang kaaway nga ilang gikuha aron sa pakigkumbuya mao gayud ang molaglag kanila.

46 Karon, atong makaplagaan nga ang atong hambogiro nga America dili makaikyas sa kapungot sa Dios. Sa ako nang gipamulong usa niana ka adlaw sukad ako ania dinhi, ako asegurado kini ania dinhi, sa—sa tanang butang sa katapusan. Kamo nahibalo, ako—ako dili makakita ug bisan unsang butang aron sa pagtukod. Dili ka makatukod sa politika, kini—kini wala na. Ikaw—ikaw dili makatukod sa sosyal nga kinabuhi, tungod kay kini nagkadaot na kaayo nga pamatasan. Walay—walay—walay usa ka butang nga mahimo nimo nga pagatukuran dinha. Ug dili ka makabutang ug mga paglaum sa bisan unsang butang.

“Unsa ang mahitungod sa iglesia?”

Buyno, walay kay mabuhay bisan unsa sa iglesia kini pormal kaayo ug wala na, wala nay bisan unsang butang nga nahibilin. Sila human na nagbaligya sa ilang pagkapanganay sa usa ka platong lugaw, ug—ug sila nagpaabut na lamang sa paghukom. Ang Espiritu Santo nagalatas niining nasud, nagapakita sa Iyang mga ilhanan ug mga katingalahan, ug sila nagapadayon sa pagsalikway sa Iyang grasya. Siya nagapanghimatuod sa Iyang kaugalingon ug nagpamatuod pinaagi sa Iyang dakung pagpanghimatuod, nga Siya mao ang Pulong sa Dios nga napadayag dinhi niining adlaw. Ug sila sa gihapon nagsalikway Niini. Nakita ninyo? Walay bisan unsang butang nga nahibilin karon. Dili ka lamang makabuhay niana sa kanunay ngadto sa Dios. Nakita ninyo?

47 Buyno, atong makaplagaan, ang nahauna, Siya nagpadala sa Iyang mga profeta uban sa pagpasidaan. Siya dili mag-usab sa iyang paagi, ang Iyang pamaagi sa pagbuhat sa mga butang.

Siya dili moataki kanunay sa dihang Siya nagapasidaan. Buot ko nga inyong bantayan kining kinutlo nga mga pulong. Ang Dios nagahatag ug pasidaan apan dili Siya moataki sa samang panahon nga Siya nagapasidaan. Namatikdan ba ninyo kana? Ug unya sa dihang Siya dili moataki sa dihang Siya nagapadala ug pasidaan, unya ang profeta ginabiaybiay, “Wala ikaw Niini. Ikaw nagsulti ug bakak. Ikaw—ikaw dili husto.”

Kanang mao gihapong butang tingali gisulti ngadto—ngadto kang Isaias. Unsa sa inyong paghunahuna nianang tawo nga naghunahuna sa dihang siya miadto didto ug nagpanagna nga ang hari mamatay, unya mobalik ug moingon, “Dili, siya mabuhay?”

48 Unsa ang mahitungod kang Jonas nga nagalakaw sa mga kadalanan, nagaingon, “Oh, kining syudad pagalaglagon sulod sa daghang mga adlaw, kap-atan ka mga adlaw,” ug unya ang Dios dili mobuhay niini?

Nakita ninyo, kinahanglan magbantay ka, ang Dios sa kanunay dili moataki sa dihang Siya magpasidaan. Apan Siya... adunay usa ka butang, unya ang profeta biaybiayon. Apan kung siya usa ka gipanghimatud-an nga profeta uban sa Pulong sa Ginoo (Nakita ninyo?) mga ilhanan sa Dios, gipanghimatud-an, sumala sa gisulti sa Dios ang profeta pagapanghimatud-an nga mao kining mga tawo. Nakita ninyo? ang Iyang Pulong dili iya, apan kini mao ang Pulong sa Dios, ug kini matuman. Kini kinahanglan matuman kung kini Pulong sa Dios. Adunay usa lamang ka butang nga makahimo sa pagpahunong niini, mao kana ang hinanali nga paghinulsol.

49 Matikdi, si Amos, siya—siya nabuhi nga nakakita sa iyang pagpanagna, apan sa dihang si Amos namulong nianang syudad, unsaon kini nga mahitabo, unsaon sa Dios sa paghimo sa mga Siriahanon sa pagsulod ug magbontog kanila, ug uban pa sama niana, ug giunsa ang ilang kaugalingong pagkadunot nagakaon kanila. Ngano, ako nagatoo

kung kini karon dayon... Ako nagpangita dinhi sa Kasulatan, ug kung kini akong maisip sa husto, kini mga kalim-an ka mga tuig human si Amos nagtagna. Ug karon, unsay inyong hunahuna? Usa ka tibook kaliwatan ang milabay sa wala pa natuman ang panagna ni Amos. Apan kung inyong basahon dinhi, kini magtug-an kaninyo, ug kini nahitabo sa tukma gayud pulong sa pulong unsa ang iyang gisulti. Nakita ninyo?

Si Juan nakakita sa Basahon sa Pinadayag. Kini wala nahitabo sa iyang adlaw. Apan atong makita nga kini natuman sa tukma lamang gayud. Nakita ninyo?

Si Daniel nagpanagna sa adlaw, sa iyang adlaw ug sa tanan hangtud sa katapusan. Siya wala gayud nabuhi nga makakita niini. Siya miingon, "Lakaw sa imong dalan, Daniel, Tak-upa ang basahon—ang basahon, ug—ug sirad-i ang basahon. Ug ikaw mahikatulog sa imong bahin, apan nianang adlaw ikaw mobarug." Nakita ninyo?

Karon, nakita ninyo, ang... ikaw sa kanunay dili... Ang Dios... nagaataki human dayon Siya nagapanagna. Ang panagna ni Amos, sumala sa akong gikaingon, kalim-an ka mga tuig sa ulahi, kini natuman. Apan kini gayud natuman.

50 Ug unya ang profeta mao ang—mao ang—iya sa Biblia... Ang tinuod, matuod nga profeta usa ka espesyal nga tawo. Dili usa ka espesyal, mahimong lahi gikan kang bisan kinsa pa, apan siya adunay usa ka espesyal nga bulohaton. Nakita ninyo? Ug ingon nga adunay espesyal nga sugo, kinahanglan siya mahimong espesyal (diyutayng lahi gikan sa uban) aron sa pagubuhat niana.

Kini sama lamang nga ang Dios nagpakisama sa Iyang mga profeta ngadto sa usa ka agila.

Karon, ang usa ka agila usa ka espesyal nga langgam. Siya usa lamang ka langgam, apan siya usa ka espesyal nga langgam. Ug siya makahimo sa paglupad nga mas hataas kay sa laing mga langgam. Siya makahimo nga makakita nga mas halayo kay sa laing mga langgam. Ug karon, aron makaadto sa mas hataas, siya kinahanglan lig-on aron siya makahimo sa pag-adto sa mas hataas. Ug unsa ang makaayo kaniya sa pag-adto sa didto gawas siya makahimo nga makakita unsa ang iyang pagabuhaton human nga siya makaadto didto? Nakita ninyo? Busa siya kinahanglan mahimong espesyal nga gama nga langgam. Nakita ninyo? Siya usa ka matang sa—sa pamilya sa banog; siya nagkuniskunis pinaagi sa tuka. Siya nagakaon sa... Daghan kanila nagakaon ug mga patay. Adunay mga kap-atan ka mga matang sa mga agila.

51 Apan, makita ninyo, diha sa iglesia adunay pastor, ug kanang pastor usa ka espesyal nga tawo. Siya gitukod ngadto diin siya makahimo—siya makahimo pagpakgang sa mga kaguliyang sa katawhan. Siya—siya—siya ang magpapas-an sa luwan; siya usa ka baka sa panon. Siya—siya usa ka tawo nga makahimo nga molingkod sa dihang ang—usa ka tawo adunay usa ka butang nga ikabatok sa usa ka tawo pa, ug molingkod uban kanilang duha ka pamilya, ug dili modapig, ug husayon kini, ug dal-on kini balik dayon ngadto sa katam-is. Nakita ninyo? Siya—usa ka pastor; siya nahibalo unsaon sa pag-atiman sa mga butang.

Ang ebanghilista usa ka espesyal nga tawo. Siya usa ka tawo nga nagadilaab sama sa bola sa kalayo. Siya nagadalagan ngadto sa usa ka syudad ug magawali sa iyang mensahe, ug moadto didto sa ubang dapit pa. Nakita ninyo, siya usa ka espesyal nga tawo.

Ang magtutudlo usa ka espesyal nga tawo. Nagpahulana ilalum sa dihug sa Espiritu ug makahimo sa pagdala sa mga Pulong ug magpahaluna kanila pinaagi sa Espiritu Santo, nga ang pastor kon ebanghilista dili makatandi kaniya.

Ug unya atong makaplagnan ang apostoles usa ka espesyal nga tawo. Siya usa—siya usa ka nagapahiluna sa kahusay. Siya usa ka tawo nga gipadala sa Dios sa pagpahiluna sa kahusay.

52 Ang profeta usa ka espesyal nga tawo. Ang profeta usa ka tawo diin ang Pulong sa Dios moabut, tungod kay ang profeta ginahin kaayo nga kinabuhi nga ang iyang ubos nga panimuot ug ang iyang nahaunang panimuot nagduol kaayo nga siya dili matulog aron modamgo sa iyang damgo; iyang makita kini sa dihang siya nagmata kaayo. Nakita ninyo? Karon, kana usa ka butang nga buhaton sa Dios. Nakita ninyo siya makakita unsay mahitabo.

Ang usa ka profeta makakita nang daan sa unahan (Nakita ninyo?) sa mga butang nga paabuton. Siya makakita sa kopa sa kapungot sa Dios, puno, sa wala pa kini

napuno. Nakita ninyo? Siya makahimo sa pagsulti, "MAO KINI ANG GIPAMULONG SA GINOO. Ang Dios magalaglag niining syudad gawas kung kamo maghinulsol." Ngano? Siya usa ka agila. Siya nagalupad halayo sa unahan. Nakita ninyo? Ug siya nagatan-aw sa halayo didto, ug siya makakita sa kopa sa kapungot nga gibubo. Mao kana unsa ang ginatan-aw sa mga profeta. Wala siya magtan-aw unsay magakahitabo dinhi; siya nagalantaw sa unahan. Siya moingon, "Kini moabut na." Siya makahimo sa pagsaka sa itaas kaayo hangtud siya makakita nianang landong. Siya moingon, "Ang kalibutan mahimong...?... kangitngit ug labihang kangitngit." Siya makaabut sa igong kahataas, ang adlaw nagasidlak karon, apan siya makakita nianang landong nga moabut, ug siya—siya magasulti unsa ang iyang ginatan-aw. Kini wala pa dinhi, apan kini seguridad nga moanhi. Tinuod kana. Kini moanhi dinhi, labihang kangitngit anaa sa katawhan. Siya nahibalo nga kini moabut, mga tuig sa halayo, apan siya nakakita niini.

Si Amos, kanang dinihugan nga profeta sa Dios, siya nakakita sa—sa kangitngit ug sa paghukom. Iyang nakita ang Syria nga mikanaug uban sa ilang mga carro ug mohaguros paingon didto, nagapamatay kanilang katawhan. Iyang nakita kini nga nagakahiduol ug ang paghukom sa Dios anaa kanila karon, kalim-an ka mga tuig sa wala pa kini nahitabo. Apan, inyong makita, ingon nga usa ka profeta, siya gibayaw ngadto sa Espiritu ug siya nakakita niini sa halayo. Nakita ninyo? Siya nakakita sa kopa nga napuno sa wala pa kini gisudlan.

53 Sama kang Abraham, ang Dios nagsugilon kang Abraham, "Ang imong kaliwat moanhi niining nasud ug magdumoloong dinhi sa upat ka gatus ka mga katuigan, ug unya ako magapagula kanila uban sa gamhanang kamot, tungod kay ang kasal-anan sa mga Amorihanon wala pa napuno." Nakita ninyo? Ang Dios nahibalo nga kanang kopa pagapun-on. Siya namulong ngadto sa Iyang profeta. Siya nagsulti kaniya karon, "Imong nakita kanang kopa sa mga Amorihanon didto (Nakita ninyo?), apan ang ilang pagkadautan wala pa napuno, Abraham. Ayaw pagsulti ug bisan unsang butang mahitungod niini karon, pagpugong, apan kini moabut. Ug sa diha ang ilang kopa mapuno, ug unya upat ka gatus ka mga katuigan, Akong pagaabugon sila sama sa mga dulon sa atubangan mo, ug Akong ipahimutang ang imong kaliwat dinhi niining yuta." Amen. Mao kana ang profeta sa Ginoo.

54 Karon, sa dihang siya namulong sa iyang panan-awon, bisan kon kini kapungot kon bisan kini pagpang-ayo, kini tingali malangan, apan kini kinahanglan matuman kung siya namulong niini sa Ngalan sa Ginoo. Nakita ninyo? Tingali usa kini ka panalangin nga iyang gipamulong alang kanimo. Tingali siya magsulti kanimo sa usa ka maong butang, ug dili ka makakita niini gayud. Ikaw moingon, "Unsaon kini sa pagkahimo? Oo, kini usa... Ako—ako—ako... Siya nagsulti kanako, 'MAO KINI ANG GIPAMULONG SA GINOO, kini mahitabo, ug kana mahitabo,' ug kini—kini dili mahitabo. Ang tawo nasayup." Karon ikaw pagahukman sa dili pagtoo Niini, apan kini matuman bisan unsaon. Nakita ninyo? Kini kinahanglan mahitabo.

"Bisan kini malangan," ang Biblia nag-ingon, "bisan pa kini namulong sa iyang panahon." Kini matuman.

55 Ang profeta nagatan-aw lamang sa halayo ug nakakita ug usa ka butang. Siya nagahisgut mahitungod sa unsa ang iyang ginatan-aw. Siya wala naghunahuna mahitungod dinhi ug sama sa unsa ikaw mahisama karon; siya nagatan-aw unsay magakahitabo. Ug sa dihang siya mamulong niana, kung kini anaa sa Pulong sa Ginoo, kini human na nga gipamulong, ug walay bisan unsang butang sa kalibutan nga makapahunong niini (Nakita ninyo? Tinuod kana.) ang Dios lamang sa Iyang kaugalingon.

Matikdi, karon atong makaplagaan nga sa dihang Siya—siya magsulti sa iyang panan-awon, ang profeta magbuhat... Karon, usahay siya mamulong sa maayong mga butang; siya mamulong sa imong kaayohan. Buyno, tingali ikaw maghunahuna, "Kini dili gayud mahitabo; wala ako maarang-arang." Nan unsa ang buhaton niana? Kana magadala lamang sa mga paghukom sa Dios diha kanimo. Tinuod kana. Nakita ninyo? Si Jesus nagsaad sa pagluwas kanimo kung ikaw motoo niini; kung dili ka motoo niini, kini dili—kini dili mahitabo ngadto kanimo. Kinahanglan imong dawaton kini; kinahanglan motoo ka niini. Nakita ninyo? Ug kinahanglan ikaw mahibalo kung asa kini gikan, nga naghatag sa imong pagtoo sa Dios kon sa imong profeta. Nakita ninyo? Kinahanglan ikaw motoo niini.

56 Ug karon atong makaplagaan dinhi, nga kining mga profeta nga namulong, sila—sila namulong ug unsa ang ilang gisulti matuman. Ug kung ang kapungot sa Dios ibubo sa katawhan, adunay usa lamang ka butang... Kung kanang profeta nagsulti sa usa ka laing butang ang mahitabo, adunay usa lamang ka butang nga magpugong sa kamot sa Dios; kana mao ang paghinulsol. Mao kana ang paghinulsol ngadto sa Dios; kana magpugong sa Iyang kapungot. Karon, ayawg pagpaabut alang niini, buhata kini dayon. Ang mamulong sa bisan unsang butang, imong buhaton kini dayon.

57 Si Ezechias, sa dihadiha nga siya nahibalo... Siya usa ka maayong tawo, apan ang Dios miingon, "Ang imong panahon nahiabut na, Ezechias, ug kinahanglan Akong—Akong kuhaon ka. Ako—Ako buot nga; Akong kuhaon ka paitaas. Hikayon mo ang imong balay."

Ug siya—siya—siya miingon, "Kini moabut ug napulog lima ka mga tuig alang kanako sa pagbuhat niana, Ginoo." Nakita ninyo? "Karon, kung ikaw... Ako—ako—ako nabahilo nga ako mogikan, apan kini moabut ngadto sa napulog lima ka mga tuig sa paghikay sa akong balay. Dili ako makabuhat niini karon dayon. Wala akoy—akoy panahon sa pagbuhat niini. Dili ako—ako—ako makahimo gayud sa paghuman niini. Ginoo, hatagi ako ug laing napulog lima ka mga tuig aron mahimo nako kining butang sa pagtapos. Dili ako makahikay sa akong balay..."

Nakita ninyo, ang sugo sa Dios mao, "Hikayon mo ang imong balay."

Ug si Ezechias miingon, "Dili ako makahimo niana niining tuiga; kini makahimo kanako... Panahon na akong kuhaon kini pagbalik, ug himoon kini ug dal-on kini ngadto niining tawhana dinhi, ako—kini maghimo kanako ngadto sa napulog lima ka mga tuig aron mabuhat kini. Ipalingkawas lamang ako aron sa pagbuhat niini. Tugoti ako—tugoti ako... Hatagi ako sa usa ka diyutayng panahon aron sa pagbuhat niini." Nakita ninyo?

Unya ang Dios miingon, "Ako—Ako—Ako—Ako mahimong motugot." Apan bisan pa siya mamatay. Nakita ninyo?

58 Ug unya pag-usab, iyang gikuha ang iyang panahon; siya mibalik sa kalibutan sa sulod nianang panahon. Nakita ninyo? Ug siya—mas maayo pa kung siya mitaliwan nga wala naghikay niini. Tinuod kana. Apan Siya naghatag kaniya ug napulog lima ka mga tuig nga lugway sa paghikay sa iyang balay. Tungod kay sa madali, unsay iyang gibuhat? Siya miingon, "Ginoo, ako mahinay. Ako nagkinahanglan ug napulog lima ka mga tuig sa pagbuhat niini. Ikaw nagsugo kanako sa paghikay sa akong balay. Dili ako makahimo niini sa napulog lima ka mga tuig tungod kay ako adunay pautang dinhi, ug ako nakabaton niini dinhi, ug ako nakabaton niini dinhi aron buhaton."

Karon, siya usa ka diosnon nga tawo, ug ang Pulong sa Dios kinahanglan mahitabo bisan unsaon. Kini matuman bisan unsaon, apan Siya naglangan Niini sa makadiyut (Nakita ninyo?), nagpugong Niini ngadto kaniya. Unya siya nagbuhat ug sala sulod nianang panahon. Siya miingon, "Dili nako himoon kini nga moabut ibabaw kaniya, apan ako magaduaw niini ibabaw sa iyang mga anak sunod kaniya." Kamo nahibalo sa sugilanon.

59 Karon, atong makaplagaan nga ang dinalian nga paghinulsol usahay magapugong sa kapungot sa makadiyut.

Karon, atong makaplagaan nga ang Nineve... Ang Dios miingon, "Lakaw didto ug pagsinggit ngadto nianang syudad karon, ug ingna sila, 'Kung... sulod sa kap-atan ka mga adlaw ang hukom pagahulogon.'" Ug, tan-awa, sila naghinulsol gayud. Sa dihadiha nga ilang nakita ang profeta nga nagapadulong sa mga kadalanan, nga nagaingon, "MAO KINI ANG GIPAMULONG SA GINOO. Ang dapit mahugno sulod sa kap-atan ka mga adlaw. ang dapit mahugno." Ang...

Bisan ang hari nagmando ug usa—usa—usa ka pagpuasa sa tibook nasud, pagbalata, "Managsul-ob ug bisti sa sako, magbutang ug mga abo, dili lang sa ibabaw sa inyong kaugalingong ulo ug sa ibabaw sa inyong lawas ug ibabaw sa inyong unod, apan ibabaw sa inyong mga baka, ibabaw sa inyong mga kahayupan sa uma, magbutang ug mga abo ug sako nga bisti." Unsa ka usa ka paghinulsol.

60 Karon, sa dihang atong makaplagaan didto, atong mamatikdan, kung ang profeta dili nagbantay niini sa madali gayud (Nakita ninyo?), gamiton ang iyang kaigmat, ug moadto sa Dios, imong makaplagaan dayon ang usa ka butang didto, kung dili ka magbantay...

Karon, tan-awa si Isaias; siya namulong lamang sa iyang panagna, mibalik ngadto sa iyang gamayng payag sa kamingawan. Ug sa dihang nabuhat niya kini, ang Ginoo wala gayud namulong balik ngadto sa hari nga nag-ampo. Siya adunay paagi sa pagbuhat ug mga butang. Adunay usa ka profeta diha sa yuta. Ang Pulong sa Ginoo moabut ngadto sa Iyang profeta. Siya miadto didto ug miingon, "Isaias, lakaw balik ug ingna siya ako nakadungog sa iyang mga pag-ampo. Ako nakasabut nga kini... nga siya nagtoo nga kini mahimo niya sa napulog lima ka mga tuig aron sa pagbuhat niini. Akong nakita ang iyang mga luha tungod kay gikinahanglan kaayo niya nga buhaton ang bulohaton. Napulog lima ka mga tuig nga mahimo niya, siya miingon, sa pagbuhat niini. Lakaw ingna siya nga akong tugotan siya nga maangkon kini." Nakita ninyo?

Ngano? Siya nagsugo—Siya nagsugo kang Isaias sa pag-adto ug suginlan siya, "MAO KINI ANG GIPAMULONG SA GINOO." Unya kung adunay bisan unsang pag-usab niana, kon paglangay... Kini mahimong mahitabo bisan unsaon; siya—siya mamatay lamang gihapon. Apan miingon... Kung adunay bisan unsang butang diha niana, nan Siya obligado nga mobalik ngadto sa tawo nga Iyang gipadal-an sa MAO KINI ANG GIPAMULONG SA GINOO. Siya nagsugilon kang Isaias, "Lakaw pagbalik didto ug tug-ani siya."

61 Karon, si Jonas naghimo ug laing linihokan, mitungas ngadto sa ibabaw sa bungtod ug miingon, "Oo, maayo pa hinoon nga wala ako nahimugso." Ug, oh, giunsa niya sa pagpadayon. Ug ang Dios nagandam ug tabayag ug gihimo kining malamboon ug naglandong kaniya hangtud nga siya nabugnawan didto. Apan siya miingon, "Karon, dinhi, ako miadto didto, ug sila moingon ako usa ka mini nga profeta."

Ug ang Dios namulong ngadto kaniya, miingon, "Tan-awa kanang syudad didto. Lantawa didto, Jonas, nga ang tibook syudad naghinulsol uban sa sako nga bisti ug mga abo."

Unya Siya nagsulti kaniya mahitungod sa gamayng tabayag ug ang ulod nga nagputol niini. Usa ka adlaw, itugot sa Ginoo, buot ako moanhi sa Tabernaculo ug maghimo ug sunodsunod nga pagwali lamang kang Jonas. Oh, adunay daghan kaayo nga dagkung... Kanang hangin sa sidlakan nga nagahuyop ug tanan... Oh, tan-awa. Adunay daghan kaayong mga butang sa sulod didto, kini lamang... Kini makapakulbahinam. Kanang mga bibilhong bato didto, kining tanan nagtipo sa tukma, nahaum... Kini nagdala gayud kang Jesu-Cristo dinhi niini ug tanang butang pa. Sa pagkatinuod matag linya diha sa Biblia magadala kang Jesu-Cristo. Oo, sir. Mao kana ang atong pag-toon sa Domingo, busa atong makaplagan kana, itugot sa Dios.

62 Ug matikdi, adunay mga butang nga imong... Kung ikaw matinud-anon ug suginlan ang Dios... Karon, kinahanglan ikaw magbantay.

Karon, buot ko nga ipakita kaninyo ang laing Jonas sa plataporma karong gabii.

Usa ka gabii adunay katawhan nga mianhi dinhi. Ang ginang tingali (uban sa ilang katawhan) ania dinhi karong kagabhion, busa dili nako hisgutan ang ngalan; tingali kamo nahibalo kinsa kini. Apan sila mianhi dinhi, maayong panon sa katawhan gikan sa Kentucky, ug sila—sila mianhi dinhi sa mga katuigan. Apan ang katawhan, ingon nga maayong katawhan, akong maayong mga higala... Tan-awa, sila mga—sila akong mga tinuod nga mga higala, apan sila... Usa lamang niadtong matang sa katawhan nga sa dihang usa ka rebaybal nagapadayon sila makahimo sa pag-adto sa simbahan; sa dihang ang rebaybal wala na, ug ang luwan pagabitron, walay mobitad. Ug ang tanang mga kabataan ania dinhi sa talaan sa pag-amuma; sila nakabaton sa... sa dihang kita adunay atong mga klase ug mga butang.

63 Ug usa niana ka adlaw ako miuli sa panimalay mga upat na ka tuig ang milabay, kon lima, usa ka butang sama niana. Ug kining batan-ong babaye (nga mga walo ang panuigon sa dihang siya anaa sa talaan sa pag-amuma), siya naminyo ug adunay duha ka mga anak. Ug siya nagahigda sa hospital dinhi nga nag-ungaw sa kamatayon. Siya mga upat ka bulan, lima, nga dunay bata; ug ang bata namatay, ug sila dili makaopera tungod kay siya adunay sakit sa dugo. Ug sila dili makaopera, busa pasagdan na lang nga mamatay ang inahan usab. Dili makaopera, ug (Nakita ninyo?) ang bata mopatay kaniya sama niana, busa sila kinahanglan... Siya kamatyonon, mao lamang kana, walay kahigayonan alang kaniya.

Ako miadto sa pagtan-aw kung siya nagtugon kanako. Ug ako miadto sa hospital, ug didto siya anaa sa ilalum sa tolda sa oksiheno. Ug akong gipataas ang gamayng



sidsid, nakighinabi kaniya sa makadiyut, ug ako miingon, "Nahinumdom ka kanako?"

Siya miingon, "Segurado, Igsoong Bill, ako nahinumdom kanimo."

Ako miingon, "Giunsa niini ang... Nakasabut ka ba unsa ka masakiton ikaw?"

Siya miingon, "Ako nahibalo." Miingon, "Mao kana ngano ako nagpaanhi kanimo."

Ako miingon. "Buyno, oo, unsa ang imong kahimtang ug ang Ginoo?"

Siya miingon, "Igsoong Bill, ako—ako adunay... Ako—ako dili andam nga mogikan."

Buyno, didto kami miluhod ug nag-ampo, ug ang iyang inahan ug iyang bana, daghan kanila diha sa lawak, ug ang iyang inahan ug bana nagsugod sa paghilak. Ug—ug unya ako—ako nangutana kaniya, ug siya nagpasig-uli sa Dios, nagbayad sa iyang mga panaad ug mibalik ug naghimo ug saad sa Dios, ug kung siya pasayloon, giunsa niya sa paghigugma kaniya, ug naghinulsol sa iyang mga sala, sa paagi nga siya nagkinabuhi, ug nagpadayon uban sa iyang paghinulsol ug paghilak. Ug human sa makadiyut ako mitindog ug migula sa gambalay.

64 Ug sa—sa sunod buntag nagtawag kanako sa pagbalik didto. Ug nakaplagan, sila mianha nianang buntag alang sa usa ka pagsulay ug aron tan-awon unsa ang—ang iyang sakit sa dugo nga kahimtang nga nagkagrabe, ug nakaplagan nga wala siyay bisan tulbok niini. Kining tanan nawala, matag tipik sa makahilo nga sakit sa dugo mibiya kaniya. Ang mga doktor nahibulong kaayo hangtud sila miingon, "Tan-awa. Oo, kini, angay namong... Kini usa ka butang nga katingalahan kaayo." Miingon, "Kita—kita mangandam," ug miingon, "kung kini sa gihapon mao kanang paagi hangtud sa kabuntagon..." Miingon, "Kami magapadayon sa paghatag ug penicillin," kon bisan unsa nga ilang ihatag kaniya, sa pagpugong sa pagtakboy. Miingon, "Kami magaopera ug—ug kuhaon ang patayng bata sa dili pa kini moadto sa ubang butang pa." Miingon, "Kung siya maayo, nan..."

65 Buyno, duha kon tulo ka beses nianang adlawa sila nag-eksamin kaniya, walay daotan, hingpit nga maayo. Ug ilang giandam nila siya, gikuha gikan sa ilalum sa tolda sa oksihena. Ang tanang butang maayo. Sila magaopera kaniya sa sunod buntag, kuhaon ang bata.

Buyno, ako migula didto. Ug tungod kay kini human na nabuhat... Karon, ako wala gayud nahibalo niini; ako wala gayud nahibalo. Ang Ginoo wala gayud nagsugilon kanako mahitungod niini. Mahimo ninyong pangutan-on ang katawhan, kung buot kamo. Busa sila... Siya... Siya wala gayud nagsulti niini nga mahitabo. Apan, oh, tan-awa, aron makita sa—sa maong butang, ang iyang bana, ingon nga usa ka makasasala, mianhi ug miingon, "Igsoong Branham, Ako—ako buot nga mohalad sa akong kinabuhi ngadto sa Ginoong Jesus."

Ug ako miingon, "Buyno, pagluhod lamang dinhi ug guniti ang kamot sa imong asawa, ug unya kamo magalakaw sa tul-id nga kinabuhi."

66 Ang inahan mibalik; siya miingon, "Igsoong Branham, ikaw nahibalo, ania ako ug akong mga anak," miingon, "kaming tanan nagasulod ug gawas, ug nagasulod ug gawas, ug sa palibut sa Tabernaculo, ug mga butang. Kami nagalingkod ug nagpatalinghug kanimo nga nagawali, ug kami moadto sa altar ug mobalik." Miingon, "Ako mibalik sa kalibutan usab, Igsoong Branham." Siya miingon, "Buot ako mobalik ngadto sa Ginoong Jesus alang sa Iyang pagkamaayo ngadto sa akong anak." Buyno, inyong makita, kana—kana maayo kaayo, apan dili ka moduol ngadto sa Dios tungod niana.

Paingon sa tungang gabii, alas dose, ala una, ang iyang inahan nahikatulog. Ug siya mingon, nagtawag kaniya, miingon, "Mama."

Ug siya miingon, "Oo, pinangga, unsay imong gusto?"

Siya miingon, "Malipayon kaayo ako nga ikaw malipayon."

Miingon, "Ako anaa sa kalinaw uban sa Dios." Ug miingon, "Oh, unsa ka maayo kini."

Sa pipila ka mga minuto siya mitawag pag-usab, siya miingon, "Mama." Miingon, "Oo?"

Miingon, "Ako mopauli na."

Ug siya miingon, "Ako nahibalo nga ikaw." Siya miingon, "Oo, pinangga," miingon, "ang doktor miingon nga kuhaon ang bata ugma. Ug human niana mga usa ka adlaw kon duha, sa dihang ang imong tahi mamaayo ug ikaw mopahawa gikan dinhi, ikaw mobalik sa balay ug mahimong malipayon pag-usab, ikaw ug ang imong bana ug ang gagmayng mga bata, ug mahimong usa ka Cristohanon ug magkinabuhi alang sa Dios."

Siya miingon, "Mama, ang buot nako ipasabut ako mopauli sa akong langitnong poluy-anan."

Siya miingon, "Segurado, pinangga, sa katapusan sa panaw."

"Oh," siya miingon, "karon, unsay kabilinggan?"

Miingon, "Sa katapusan sa panaw." Busa miingon, "Oo, mama, sulod sa pipila ka mga minuto ako mobiya."

Buyno, siya nagtoo nga siya ginerbyos lamang ug nagsalimoang. Iyang gitawag ang nars; ang nars nagsusi sa iyang gininhawa. Tanang butang normal. Ug sulod sa lima ka mga minuto siya mitaliwan; siya patay na.

Ug unya sa dihang ako mibalik sa balay sa usa ka semana kon duha human niana... Ako nagtoo si Igsoong Graham nagwali sa lubong sa babaye. Sa dihang ako nahibalik sa panimalay ug si Meda nagtug-an kanako nga ang babaye namatay nianang gabii, tan-awa, ako dili...

Ako—ako miadto sa pagpakigkita sa inahan. "Oo."

67 Ug ako—ako wala nahibalo sa hinungdan nganong gibuhay nako kadto, apan ako miingon, "Ginoong Dios, Ikaw—Ikaw utangan kanako ug pagsabut (Nakita ninyo?) human ako miadto didto ug—ug nagtug-an nianang bana, ug siya miduol ngadto sa Ginoo human imong gibuhay kining tanang butang alang kaniya, ug tanan sama niana, ug unya kuhaon kanang kinabuhi sa batan-ong babaye sama niana." Ako miingon, "Utangan Ka kanako sa pagsabut."

Sa dihang ikaw magsulti sa Ginoo sa usa ka butang sama niana, Siya mobiya kanimo nga magalingkod nga mag-inusara. Ako dili... Siya dili utangan kanako sa bisan unsang butang. Ako utangan ngadto kaniya. Buyno, Siya nagtugot kanako sa pagyam-id sa pipila ka adlaw, kamo nahibalo. Ug human sa mga tulo kon upat ka mga bulan, usa ka adlaw ako didto sa pangpang sa sapa, ug ang Ginoo namulong kanako diha sa panan-awon, ug miingon, "Karon, lakaw ngadto sa iyang inahan, ug isulti kini ngadto sa iyang inahan, 'Dili ba ang iyang panahon miabut sa tuig sa wala pa kana, sa dihang siya nalumos sa sapa sa panahon sa piknik? Siya mamatay unta nianang panahon, apan kinahanglan Akong kuhaon siya sa dihang siya andam na sa pagtaliwan.' Ug mao kana nganong kining tanan nahitabo ug ngano nga ikaw migula didto."

Unya ako miluhod ug mihilak. Ako miingon, "Ginoong Jesus, pasayloa ako, Imong kabus, walay hibangkaagan nga ulipon. Dili unta gayud nako isulti kana, Ginoo."

68 Ug ako mibalik ngadto sa ginang; siya nagpuyo ibabaw dinhi sa Market Street. Ug ako miadto kaniya, ug ako miingon, "Buot ko mangutana kanimo."

Siya miingon, "Segurado, Igsoong Bill." Ako miingon, "Tinuod ba nga kining batan-ong babaye hapit nalumos?"

Siya miingon, "Tinuod kana Igsoong Branham." Miingon, "Ang iyang bana ug sila—sila kinahanglan magkuha kaniya gikan sa sapa." Ug miingon, "Sila kinahanglan mogamit ug artipisyal nga pagginhawa ibabaw—pamugos, ug sila kinahanglan mokuha ug makina ug magbomba sa tubig pagawas kaniya." Miingon, "Siya nakapalda. Sila adunay piknik. Siya miadto didto ug nakatamak ug balas, nahidalin-as ug nati-ugsok ang iyang ulo sa tubig. Wala sila nakamatikod kaniya. Ug ilang nakita siya nga milutaw ug naunlod, ug sila midalagan ug nagkuha kaniya." Ug miingon, "Siya halos namatay." Miingon, "Siya.."

Ako miingon, "Mao kana ang iyang panahon sa paggikan."

Nakita ninyo, ang Dios nahibalo unsay Iyang ginabuhay. karon, ang Ginoo tingali motug-an kanako nga kung ako wala maglihok sa gibuhay nako, "Ginoo utangan ka kanako, sa pagtug-an kanako mahitungod niana." Siya dili utangan kanimo sa bisan unsang butang.

69 Ako mitambong sa usa ka tigum usa niana ka gabii ug nakapatalinghug sa usa ka

ebanghelista nag-ampo sa usa ka masakiton nga tawo, miingon, "Dios, ako nagamando Kanimo sa pag-ayo niining tawhana." Kinsa? Nagamando sa Dios? Nakita ninyo? Kini—kini—kini dili—kini dili salabutanon (Nakita ninyo?), tungod nga—nga ang Dios, Siya—Siya nagabuhat sa buot Niya buhaton.

Makahimo ba ang—ang kolonon makaingon sa magkokolon, "Nganong gibuhath ko nimo sama niini?" Nakita ninyo? Sa pagkatinuod dili. Apan kung ang profeta magpabilin nga dili molihok ug unya pangitaon ang Ginoo alang sa tubag, adunay tubag niana. Nakita ninyo?

Sama lamang niining tawo nga nangutana sa—sa—sa pangutana sa kaliwat sa bitin. Nakita ninyo? Bantayi lamang—lamang, ug ayaw—ayawg—ayawg paghimog dakung pagdalidali. Ug unya... Karon, ang Dios sa kanunay magatuman sa tanang butang aron sa pagbuhat alang sa kaayohan ngadto kanila nga nahigugma sa Ginoo.

70 Karon, kung—kung ang Nineve dili maghinulsol, unya ang mga paghukom sa Dios maanaa kanila. Karon hinumdomi, ang profeta kinahanglan maminaw. Kini usa ka pagpasidaan.

Karon, ang mao gihapon nga butang mahitabo ngadto niining nasud... Unya ikaw moingon, "Igsoong Branham, sa miaging Dominggo ikaw miingon 'Walay paglaum.'" Oo. "Ngano?" Kini nagsalikway sa iyang pagtawag. Kinahanglan dawaton kini. Kini pagadawaton niini. Adunay moabut nga panahon sa dihang kining nasud mahimong madugmok. Ako nakakita niini niadtong 1933. Nakita ninyo? Akong gitan-aw sa halayo...

Ikaw miingon, tingali ikaw moingon, "Buyno, kini wala nahitabo lagi."

Apan kini mahitabo. Ni si Mussolini diha sa gahum; ni ang pagtukod sa linya sa Maginot; ni ang sakyanan sama sa usa ka itlog niadtong mga adlaw, ug ang mga butang; ni ang mga babaye magpili ug usa ka Presidente nga tan-awon sama sa usa—usa ka koliheyo nga batan-ong lalake, ug tanan niining laing mga butang; ni nga adunay mahimong usa ka Catolico nga Presidente, ug uban pa, nga gipamulong. Mga katloan ka mga katuigan ang milabay, kong kapin, kining mga butanga gitagna, apan Siya lamang nagpakita kanako sa dalan paingon sa katapusan.

Ug samtang kanang butang nagkahiduol, panahon pinaagi sa panahon, kanang kopa magakapuno. Ug ang paghinulsol giwali na pinaagi kang Billy Graham, Oral Roberts, ug kinsa pa. Mga Profeta, ug uban pa nagalatas sa nasud uban sa mga ilhanan ug mga katingalahan, ug ang nasud nagapadayon sa paglunang ngadto sa sala. Mao kana ang hinungdan sila dili maghinulsol, ang paghinulsol magadala niini.

71 Matikdi, si Ahab wala gayud naghinulsol sa pagbadlong ni Elias. Kung si Ahab naghinulsol ug naglakaw atubangan sa Dios, ang butang dili gayud mahitabo. Apan si Ahab miadto didto ug gikuha ang parrasan ni Nabot, ug gipapatay siya, ug tanan niining dautang mga butang. Ug si Jezabel... Kanang profeta miadto didto uban sa MAO KINI ANG GIPAMULONG SA GINOO. Apan unsa ang ilang gibuhath? Siya lamang nagbahad sa pagpatay kaniya. Unsay nahitabo? Ang iyang panagna natuman; ang mga iro nagkaon kaniya ug nagtilap sa dugo ni Ahab, sa tukma lamang gayud sumala sa iyang pulong. Siya nakakita sa kopa nga napuno. Nakita ninyo?

Mao kana ang hinungdan kanang Micheas, nagsulti sa mao gihapon nga butang, unsaon niya sa pagpanalangin kung unsa ang gitunglo sa Dios? Nakita ninyo, ang iyang—iyang pulong, ang iyang panagna nagkauyon uban sa Pulong.

72 Si Herodes, siya wala gayud naghinulsol sa dihang si Juan miingon, "Dili subay sa balaod alang kanimo sa pag-angkon niana, ang asawa sa imong igsoon." Siya wala gayud naghinulsol. Unsay iyang gibuhath? Ang iyang asawa nagsugo sa ulo sa profeta. Tan-awa ang kahugawan nga iyang nasudlan. Tan-awa unsa ang nahitabo kaniya. Tan-awa, bisan karong panahona sa Switzerland, ang—ang asul nga mga tubig sa pagsalikway kaniya sa gihapon nagabukal ingon nga usa—usa ka handumanan. Nakita ninyo? Segurado, siya wala naghinulsol sa dihang siya gibadlong sa Ginoo. Si Juan nagsulti kaniya, bisan kung unsa siya (usa ka gobernador, kon bisan unsa siya; kon ang emperador, kon kinsa man siya), siya kinahanglan maghinulsol sa dihang ang Dios magatawag, kondili ang kapungot anaa ibabaw kaniya.

Giunsa sa kadaghan sa mga higayon diha sa mga profeta... Akong nasulat kini dinhi, apan wala kitay panahon tungod kay ako adunay mga napulo ka mga minuto nga gidugayon.

73 Kung walay paghinulsol, nan ang paghukom seguridad nga moabut! Si Ezechias naghinulsol. Nakita ninyo? Ang Nineve naghinulsol.

Si Ahab wala gayud naghinulsol. Si Nabucodonosor wala gayud naghinulsol. Ang katawhan sa panahon ni Noe wala gayud naghinulsol, ug ang paghukom mihasmag dayon. Nakita ninyo? Karon, apan Siya nahauna nagapasidaan sa matag-usa. Ang matag-usa adunay pagpasidaan.

Karon, sa makita nga ang panahon haduol na, ang matag-usa nga adunay pagbati nga adunay pagpasidaan, maghinulsol dayon sa dili pa ang kapungot sa Dios mohasmag.

Karon, kini atong pagadal-on karon sa Branham Tabernacle. Nakita ninyo, atong nakita kining mga butang ug kita nahibalo nga kini mao ang Kamatuoran. Kita nahibalo nga Kini ang hingpit nga Kamatuoran. Ang sugo sa Pulong mao, "Kung ikaw maghinulsol ug magpabautismo sa Ngalan ni Jesu-Cristo alang sa kapasayloan sa inyong mga sala, ug madawat ninyo ang gasa sa Espiritu Santo. Kay ang saad sa alang sa inyong mga anak ug kanila nga atua sa halayo." Nakita ninyo?

74 Karon, usa ka tawo, si Mr. Dauch, nangutana kanako dinhi dili pa dugay, miingon, "Igsoong Branham, ako nag-anam ug katigulang. Ako nag-anam ug kaluya, kasiyam-an ug usa." Siya miingon, "Ikaw ba—ikaw ba nagtoo nga ako—nga ako andam nga mamatay? Ikaw ba nagtoo nga andam ako nga motaliwan? Ikaw nagtoo ako naluwas?"

Ako miingon, "Mr. Dauch, nakaadto ka ba sa usa—usa ka doktor alang sa lawasnon nga pagpahiling?"

Siya miingon, "Oo."

Ug ikaw nagsulti kaniya... Karon, unsa ang buhaton sa doktor, iyang kuhaon ang libro nga nahimutang didto, ug iyang kuhaon kining libro ug iyang pangitaon. 'Karon, ang nahaunang butang ang angayng buhaton ko ngadto nianang tawo, hilingon ang iyang kasingkasing.' Busa siya magkuha ug usa ka galamitong igpaminaw sa dughan ug ibutang sa iyang dughan, ug maghiling sa iyang kasingkasing." Ug ako nag-ingon, "Unya, ang sunod nga butang nga iyang kuhaon, iyang susihon ang presyon sa iyang dugo, uban sa usa ka—ubang sa usa ka presyon diha sa bukton. Unya ang sunod nga butang nga iyang buhaton, siya magkuha ug ihi, ug dugang bisan unsa pa, ug ubang dugo gikan kaniya, ug tanan niining mga butanga. Iyang buhaton kining tanan niini, ug kung dili siya makakaplag ug bisan unsang butang... Maggamit ug X-ray. Kung siya dili makaplag ug bisan unsang butang, siya moingon, 'Mr. Dauch, ikaw—ikaw sa lawasnon maayo man.'"

"Unsay iyang basihanan niana? Sa mga kahimtang gikan sa iyang panambal nga libro, nga kung adunay bisan unsang butang nga sayup sumala sa labawng seyentipiko kini magpakita dinhi, buhaton kini dinhi, buhaton kini dinha. Tungod niana, kutob sa mahimo niyang nahibaloan sa bisan unsang butang mahitungod niini, ikaw maayo man (Nakita ninyo?) sa lawasnon."

75 "Karon," ako miingon, "niini nga kahimtang, ako—ako magahatag sa—sa usa ka pag-eksamen sa kalag. Nakita ninyo? Ug ang Dios, alang sa kalag, adunay usa lamang ka Kahimanan (Tinuod kana.); mao ang iyang Pulong. Mao kana ang Iyang Pulong." Ug si Jesus miingon sa San Juan 5:24., 'Siya nga nagpatalinghug sa Akong Pulong...' Karon, kanang pagpatalinghug wala magpasabut sa pagpaminaw lamang sa kasaba. Kanang 'pagpatalinghug' nagkahulogan ' pagdawat Niini.' 'Kinsa ang makahimo sa pagdawat sa Akong Pulong,' (Amen.) 'siya nga nagpatalinghug Niini!' (Ayaw pagpabilin nga nagabarug, tawga kini nga walay pulos, 'Kanang mga butanga walay hinungdan ngadto Niini. Ako dili motoo Niana.') 'Siya nga nagapatalinghug sa Akong Pulong...' (Uh-huh.) Mao kana ang Pulong ni Jesus, nga, Siya mao ang Pulong. Nakita ninyo. 'Kung kamo makahimo nga makapatalinghug sa Akong Pulong,' Siya miingon, 'ug magatoo kaniya nga nagpadala Kanako, siya nakalabang gikan sa kamatayon ngadto sa Kinabuhi; ug dili na gani makaadto sa paghukom, apan nakalabang na gikan niini.' Amen." Ako miingon, "Naunsa na ang pagpitik sa imong kasingkasing karon?"

Siya miingon, "Ako nagatoo niini. Ako nakadungog Niini. Akong nadawat Kini."

Ako miingon, "Nan sumala sa Pangulong Espesyalista, ang Labawng Tig-opera, ang labawng Doktor sa Kinabuhing Dayon miingon, 'Ikaw nakalabang gikan sa kamatayon ngadto sa kinabuhi ug dili na gayud pagahukman.'"

76 Miingon, "Sa dihang ako nakapatalinghug nga ikaw nagwali sa Ngalan ni Jesu-Cristo alang sa bautismo sa tubig, ako naglakaw sunod dayon kanimo ug ikaw nagbautismo kanako." Miingon, "Ako... Ang tawo nga ako kaniadto, dili na ako kanang tawahana gayud. Usa ka butang ang nahitabo kanako. Akong naandan nga dili mag-atiman mahitungod Niini ug miadto sa laing dalan, apan ako miliso ug nagsugod balik niining dalan. Ug ang akong kasingkasing nagadilaab sa adlaw ug gabii sa pagduol pa gayud Kaniya. Matag Pulong Niini, Ako nagatoo. Ako moingon, 'Amen.' ngadto sa matag tipik Niini. Dili manumbaling unsaon Niini pagsamad kanako; buot ako nga masukod ngadto gayud Niini. Ug ako nakabaton sumala sa akong nahibaloan."

Ako miingon, "Murag alang kanako ang imong kasingkasing nagapitik sa maayo gayud. Ako—ako nagatoo nga ikaw sa espirituhanon makahimo karon,"

Siya miingon, "Unsa kaha kung ang pagsakgaw moabut, makahimo ba ako sa pag-uban niini, Igsoong Branham?" Ako miingon, "Dili alang kanako ang moingon kinsa ang makauban kon kinsa and dili."

Siya miingon, "Buyno, buot ko nga mabuhi, buot ko—buot ko nga makita gayud ang pagsakgaw."

77 Ako miingon, "Buyno, akong tan-awon unsa ang—ang Basahon sa Syensya nag-ingon dinhi." Ako miingon, "Buyno, Kini nagsulti dinhi sa II Mga Taga Tesalonica sa ikalima sa capitulo, Kini nag-ingon, 'Kita nga mga buhi ug nagpabilin hangtud sa pag-abut sa Ginoo dili magauga (kana nagpasabut "mouna") niadtong (nagpahulay) nanghikatulog. Kay ang trumpeta sa Dios pagatingogon, ug kadtong nahikatulog (kon nagpahulay) mobangon pag-una (magbaton ug dili madunoton). Unya kita nga mga buhi nianang panahona (nianang panahon human sila nabanhaw... Nakita ninyo?) unya kita mausab, sa usa ka pamlok, ug makigtagbo sa Ginoo diha sa kahanganinan, pagasakgawon uban kanila.' Bisan ikaw nahikatulog, bisan ikaw wala, bisan ikaw may gibuhat kon bisan wala; bisan asa ikaw gilubong, kung ikaw wala gikalubong gayud, ikaw mobangon bisan unsaon. Walay bisan unsang butang makapugong kanimo. Ikaw maanaa didto." Ako miingon, "Igsoong Dauch, kung si Jesus dili moabut hangtud sa dakung—dakung—dakung mga apo sa mga apo. Ikaw sa gihapon maanaa didto dayon sa tukma gayud, ug maanaa didto sa dili pa sila mausab, kung sila moadto." Tinuod kana. Amen.

78 Adunay moabut nga panalangin sa mao usab nga dunay moabut nga kapungot. Oh, kita nagapangita alang sa usa niini karong gabii. Ikaw nagapangita alang sa kapungot nga mahulog ibabaw kanimo ug alang sa paglaglag, o kondili ikaw nagapangita alang sa pagkabanhaw sa Ginoong Jesus. Ang mao sa gihapon nga Dios nga gikasaad... Ako malipayon kaayo.

Ako nagabantay alang sa pag-abut nianang malipayong Milenyom nga adlaw,

sa dihang ang atong bulahan nga Ginoo moabut ug kuhaon ang Iyang nagapaabut nga Pangasaw-onon:

Oh! Ang akong kasingkasing nangandoy ug nagaagulo alang nianang adlaw sa matam-is nga pagkuha,

Sa dihang ang atong Jesus mobalik pag-usab sa kalibutan.

Ug unya ang sala ug kaguol, kasakit ug kamatayon niining mangitngit nga kalibutan mohunong,

Diha nianang mahimayaon nga paghari uban kang Jesus sa usa ka libo ka tuig nga kalinaw;

(Oh, tan-awa. "Ug sa hangtud sa kahangturan kauban sa Ginoo..." Nakita ninyo?)

79 Unsa ang gisulti sa Ginoo, kini kinahanglan matuman. "Sila magatukod ug mga balay; sila magapuyo niini. Sila magatanum ug mga parrasan ug sila magakaon sa bunga niini. Dili sila magatanum ug lain ang magapanunod niini. Sila magatanum sa ilang kaugalingong mga parrasan ug magpabilin uban niini." Amen. Amen. "Dili sila modaut kon molaglag sa tanan sa Akong balaan nga bukid." Hallelujah.

Sa dihang kining madunoton pagasapawan sa dili madunoton, kining—kining kamatayon pagalamyon diha sa kadaugan, unya kita makakita Kaniya maingon nga Siya ug makabaton ug usa ka lawas sama sa Iyang Kaugalingong mahimayaong lawas. Oh, unsa ka panahon nga moabut.

80 Ang mao sa gihapon nga Dios ug mao sa gihapon nga profeta nga nagpanagna sa Pulong sa Dios, kon sa kapungot nga igabubo, nagatug-an—usab nagatug-an niining umalabot nga mga panalangin. Ako malipayon kaayo. Ang Dios wala gayud magahatag sa usa—usa ka nasud sa—sa paglaglag nga walay pagpasidaan. Siya wala gayud magahatag sa usa ka tawo sa usa ka paglaglag nga walay pagpasidaan niini. Ug karon kung Siya nagabuhat niana, kita kinahanglan makabaton ug usa ka butang nga nahitabo kanato, ang pagpanghimatuod sa mga ilhanan sa katapusang mga adlaw uban kanato, ang dakung Espiritu Santo nga nagalihok sa atong taliwala ug nagamando sa iglesia uban sa Iyang Presensya, nagpanghimatuod sa Iyang Pulong. Unya ang Iglesia magandam alang sa pagsaka ngadto sa mga kalangitan sa usa niini ka mga adlaw pinaagi sa gahum sa Dios. Tungod kay kini usa ka pagpasidaan sa paghiklin sa matag kabug-at ug ang sala nga sa dakung kasayon nagalikos kanato, nga kita makahimo sa paglupad uban sa pailub niining lumba nga atong giapilan, ngadto sa Mag-uugmad ug Maghizingpit sa atong pagtoo.

81 Ang Dios magapanalangin kaninyo, iglesia. Kupti ang dili mabalhinong kamot sa Dios. Oo, sir. Kung imong gibati ang Iyang Presensya, moduol ka ngadto Kaniya. Kung adunay bisan unsang sayup sa imong kasingkasing, tul-ira kini. Wala na kitay igong panahon nga nahibilin; ang pag-abut sa Ginoo nagakahiduol. Nagatoo ba ikaw Kaniya? Oh, tan-awa. Dili ba kana mahimong kahibulongan didto? Unsa ka panahon, sa dihang akong makita ang karaang mga beterano balik didto nga nagalakaw nianang paraiso. Oh, tan-awa. Ako nagapaabut alang nianang taknaa.

82 Akong nahinumdoman nga ako nakabati sa akong igsoon nga miingon, sa dihang nahibalik gikan sa latas sa mga kadagatan, gikan sa natad sa panggubatan ug uban pang mga butang, miingon, "Kadtong mga karaang mga beterano, sa dihang sila moabut sa panan-aw nianang Estatwa sa Kagawasan, ilang ipasaka ang mga nabakol didto aron sila makakita sa Estatwa sa Kagawasan." Ikaw makakita pag-una diha sa barko sa dihang mosaka ikaw, tungod kay kini habog kaayo. "Ug makakita nianang bukton nga nagatindog didto," miingon, "Silang mga lalake magsugod ug paghilak. Ug silang mga bantugang dagkung mga tawo nga nagatindog didto, mangahapla lamang sa salog sa barko ug magsugod ug paghilak." Unsa man kini? Usa ka timaan sa kagawasan. Tanang butang nga ilang gihigugma gayud nahimutang sa luyo nianang ilhanan didto.

Oh, apan unsa ang mahimong mahitabo sa dihang ako makadungog sa karaang barko sa Sion mopatingog nianang buntag ug akong makita ang mga bandila nga giwarawara, sa dihang ang gubat matapos na ug ang kadaugan naangkon (Hallelujah.), ug kita mamauli sa pinuy-anan, diin ang kamatayon, sala ug hades gibontog; ug didto wala nay sala, wala nay kamatayon, wala nay kagul-anan. Ako makadungog lamang sa silbato nga gipatingog. Oh, kita nagakahiduol sa Syudad. Oo, sir. Ang mga balud nga nangapusa diha sa baybayon nagkahiduol; ang karaang barko nagapahiluna sa iyang dapit. Dios, tabangi kami alang nianang takna.

83 Ginoong Jesus, kami usa ka katawhan kinsa mga—mga nagatinguha sa among pinakamaayo, uban sa tanan nga anaa sa sulod namo aron sa paglakaw diha sa Kahayag sa Maayong Balita sa Imong dakung Maayong Balita nga Ikaw nagpakamatay aron mahimong matarung. Kita mapasalamaton kaayo nga makita kining dautang mangitngit nga mga adlaw nga atong ginapuy-an karon niining taknaa, nga kita makakita sa mga ilhanan nga magatungha. O Dios, maingon nga kini mao ang sinulat sa kamot diha sa bongbong, nagapasalamat kami Kanimo, Ginoo, nga kami makahimo nga makakita niini ug mahibalo nga ang pagtubos haduol na kaayo. Kami nagawali; kami nagalatas sa nasud; kami nakakita Kanimo nagbuhat ug dagkung mga ilhanan, nagapakita sa Imong kaugalingon matag-adlaw, kada tuig. Walay usa ka tuig nga milabay apan unsa (ka daku) ang Iyang Labaw sa Kinaiyahan nga ilhanan nga mihasmag sa yuta. Ug among nakita kini, nahibalo nga ang dakung kasundalohan sa Dios nagapadayon sa pagmartsa.

Oh, dili daghan sa numero, apan unsa ka usa ka gamhanan nga grupo nga nakabaton sa Kinabuhing Dayon. Miingon, "Sila modasmag lahus sa kasundalohan ug moambak ibabaw sa usa ka pader." Oo, ang kasundalohan sa kamatayon dili makapugong niini, Siya modasmag lahus ngadto niini, moambak ibabaw sa pader taliwala sa natural ug labaw sa natural, ug moadto ngadto sa mga bukton sa Dios, ngadto nianang dakung walay katapusan. Ginoong Dios, kami nagapasalamat Kanimo alang niini. Kami nahibalo ang panahon nagakahiduol na.

84 Ako nagaampo, Dios, nga karong gabii kung adunay uban dinhi kinsa wala makaila Kanimo, kinsa wala gayud naghimo sa ilang kalinaw... Ug tingali karong gabii, samtang kami nagapamulong, ang usa ka gamayng Tingog nga nagapamulong sa ilang kasingkasing, "Akong gibati ang usa ka pagpasidaan nga ako dili na makahimo sa pagpabilin ug dugay pa." O Dios, hinaut nga ilang ibutang ang ilang balay diha kahusay karon dayon. Hinaut ang tanang butang mapahiluna. Hinaut ang kabugnaw... Tingali sila mga Cristohanon, apan sila lamang wala... Sila nagkinabuhi ilalum niini sa dugay na kaayo ug nakakita sa daghan kaayong mga butang, ilang—ilang nawala lamang ang bili niini. Kini mao... Ang mga butang, wala nila tagai ug pagtagad kini inay sa matinuoron gayud kaayo ug sa matinud-anon.

O Dios, magasusi kami karong gabii; tugoti kini, sa nahibalo nga kining dagkung mga butang mao lamang ang pasidaan kanamo sa dili madugay nga pagsakgaw sa Iglesia. Ug kung kami gibug-atan sa sala, uban sa pagkadili matinoohon, ug uban sa pagkatapulan, dili kami makaabut nianang pagsakgaw. Kami nahibalo niini, Ginoo, busa kami nagaampo nga Ikaw magapadilaab sa Espiritu Santo sa sulod namo, ngadto paubos sa among mga kasingkasing. O Dios, padilaaba ang among mga kalag uban sa Imong panalangin. Tabangi kami aron makasabut.

85 Karon, panalangini pagdungan ang katawhan. Panalangini ang among bililhong pastor ug ang iyang asawa. Panalangini ang mga diyakono, ang tinugyanan, tanan nga katawhan. Pasayloa ang among mga sala. Ayoha ang among mga sakit, Ginoo. Ug padilaaba ang among mga kasingkasing. Ug hinaut kami moadto gikan niining dapit uban sa mensahe sa pagpasidaan, samtang kami makitagbo sa katawhan nga anaa sa sala, ug magatug-an kanila, "Higala, dili ba ikaw maulaw nga ikaw nagabuhat nianang maong mga butang, sa nahibalo nga ikaw kinahanglan makigtugbo sa Dios sa ubang adlaw?" Tugoti kini, Ginoo. Akong itugyan sila Kanimo, karon, magtugyan sa Mensahe, ug ang tanan managhiusa sa pagbuhat alang sa Imong himaya. Sa Ngalan ni Jesu-Cristo. Amen.

Nahiguma ko Niya, nahigugma ko Niya  
Tungod kay Siya nahigugma pag-una kanako  
Ug nagbayad sa akong kaluwasan  
Didto sa kalbaryo.

86 Wala ba nimo higugmaa siya? Hunahunaa kung unsa kita. Tan-awa unsa na ka halayo kita sa atong dalan, higala. Tan-awa lamang balik sa mga adlaw ni Luther ug Wesley, ngadto paubos sa mga kapanahonan. Tan-awa dinhi kung asa na kita: dinhi gayud sa ibabaw piramid, dinhi gayud diin ang Dios nagpamatuod niini, nga ang Biblia pinaagi sa pito ka mga timri sa hingpit napadayag, nagapaabut lamang karon alang sa pito ka mga tinago dayon sa katapusan, sa pag-abut sa Ginoo ug ang pagsakgaw sa Iglesia nga tingali mahitabo sa dili pa ang buntag. Oh tan-awa.

Nahigugma ko Niya, (Sa matinud-anon karon) nahigugma ko Niya  
Tungod kay Siya nahiguma pag-una kanako  
Ug nagbayad sa akong kaluwasan  
Didto sa kalbaryo.

87 Samtang sa hilom kita karon... Nakaamgo ba kamo nga matag-usa kanato dinhi kinahanglan mobiya dinhi, mobiya niining kalibutan? Nahibalo ba kamo nga ang tawo nga natawo sa usa ka babaye adunay hamubo nga mga adlaw ug tugob sa kaguol? Nahibalo ba kamo nga tungod nga kita natawo nianang kahoy gikan sa harden sa Eden, sa kamatayon, nga kinahanglan kita mamatay? Kita mga bunga sa tagoangkan sa atong inahan, ug kita kinahanglan mamatay, kita mobulag niining kinabuhi. Bata kon tigulang, kini walay kalainan. Kung ang pinakatigulang nga tawo kon babaye dinhi mabuhi sa tibook gabii, malupigan ba sa pagkinabuhi sa babaye kon malupigan ba sa pagkinabuhi sa lalake ang daghan nga napulo, napulog lima ang panuigon nga mga bata? Gatusan kanila ang mamatay latas sa kalibutan sa dili pa moabut ang buntag: sa mga bata. Busa tanan nianang mga matang mao ang unsa ang imong ginabuhat karon?

88 Kini tingali ang imong katapusang kahigayonan. Batan-on kon tigulang, ikaw makahimo sa pag-adto sa simbahan. Ayaw biyai ang usa ka butang nga wala mahuman. Magpaka halalum ug matinud-anon. Isalikway ang tanang sala ug tanang butang. Tan-aw deretso sa nawong sa Dios ug pangutana, "Ginoo, nakapahimuot ba ako Kanimo? Wala na gayud akoy kahigayonan human niining kinabuhia sa pag-alagad Kanimo. Mao lamang kini ang higayon nga akong nabatonan. Ginoong Dios, tugoti lamang ako nga

mahibalo unsa ang buot Nimo nga pagabuhaton. Kung ako kinahanglan moadto sa pagbuhat niini kon ako kinahanglan mobuhat niana, aka malipayon sa pagbuhat niini.”

Kita ba—kita ba nagahunahuna niana sa matinud-anon? Kining gagmayng mga bata naghunahuna ba niana? Ang mga hamtong naghunahuna ba niana? Ang mga batan-on naghunahuna ba niana? Kinahanglan kita mobiya, ug giunsa nimo sa pagkahibalo nga kitang tanan dili mobiya sa dili pa ang buntag? Kita wala mahibalo niini. Ikaw moingon, “Kana nakapaguol kanako.” Kini dili. Sa walay lipodlipod, kini makahimo kanimo nga labing malipayon nga mahibalo nga ikaw mobiya niining karaang balay nga mananakod ug sakit.

89 Adunay laing kalibutan. Dili ka mobiya sa halayo kaayo. Kini anaa ra gayud uban kanimo. Kini anaa ra sa palibut kanimo. Ikaw lamang—ikaw... Ang Dios nagahatag lang kanimo sa lima ka mga pamalatian, ug mao kana ang mokontak kaayo niini, niining kalibutan. Apan adunay laing kalibutan nga ikaw walay bisan unsa nga pamalatian nga mokontak, dili ka makakontak niini tungod kay wala ka niini.

Pananglitan, ako miingon sa Domingo sa gabii; tingali wala nimo makuha kini, unsa... Kita adunay lima ka pamalatian: nakita ninyo, pagtilaw, pagbati, pagsimhot, ug pagdungog. Apan unsa kaha kung ikaw walay panan-aw, ikaw aduna lamang pagtilaw, pagbati, pagsimhot, ug pagdungog, ug ubang tawo nakadawat sa ilang panan-aw ug miingon, “Adunay laing kalibutan, adlaw”? Ang mga—ang mga pagbati, ikaw makabunggo ngadto sa mga butang, ug unsa kini nga makahimo sa pagsulti kanimo nga unsa kini. Ngano, ikaw naghunahuna nga ang tawo nabuang, tungod kay ikaw wala nianang—nianang pamalatian sa—sa panan-aw. Walay bisan kinsa gayud nga naa niini, nga imong nahibaloan. Ikaw nakadungog sa katawhan nga nag-ingon sa maong mga butang sama niana, apan ikaw nagduhaduha niini. Apan kita nahibalo pinaagi niining pamalatian nga kini tinuod. Kini usa ka tinuod nga dapit. Nakita ninyo? Kini—kini—kini—kini usa ka dapit diin ang—ikaw makahimo nga makakita. Ang imong pamalatian nagpamatuod niana.

90 Karon, ang bugtong butang lamang nga imong mabuhat sa dihang ikaw mamatay, imo lamang pulihan kanang lima ka mga pamalatian (Himaya. Whew.); ikaw makadawat gayud sa laing pamalatian. Ug ikaw buhi uban sa mas hataas nga pamalatian, linibo ka pilo nga mas hataas kay sa niini dinhi sa laing kinabuhi, usa ka kinabuhi diin didto walay kamatayon, diin didto walay kaguol. Ug ang mga butang nga wala nimo mahibaloan mahitungod karon, imong makita kini nga klaro sa dihang ikaw motabok didto. Dili nimo masabtan kini karon tungod kay ikaw mibangga ngadto niini; ikaw wala nakabaton nianang pamalatian. Ikaw moingon, “Ako—ako mibati sa usa ka katingad-ang pagbati dinhi karong gabii. Murag alang kanako adunay usa... Ako buot lamang mohilak, kon mosinggit, kon ubang butang.” Kini mao ang mga Manulonada sa Ginoo. Nakita ninyo?

91 Sama sa gisulti sa usa ka tawo, kamo nahibalo, nga wala gayud pamalatian sa panan-aw, miingon, “Usahay ako mobati ug usa ka butang tinuod, sama sa usa ka pagbati nga init.”

Ikaw moingon, “Kini init sa adlaw.”

“Unsa ang init sa adlaw? Wala gayud ako makakita niini.” “Walay...” Nakita ninyo, siya wala gayud nakakita, wala nahibalo unsa kini. Nakita ninyo, kinahanglan dunay usa ka tawo nga magatug-an kaniya, usa ka tawo nga makahimo nga makakita niini. Oh, tan-awa. Nakita ninyo?

Kita mausab lamang. Kita mausab lamang. Ang kamatayon dili bisan unsang butang apan usa ka tawotawo sa humayan. Si Jesus nakabontog niini. Bisin sa dihang si Pablo mikanaug sa katapusan, siya miingon, “Kamatayon, asa ang imong ikot? Asa ang imong panghadlok? Lubnganan, asa ang imong kadaugan? Ikaw moingon ako imong nakuha? Ako—ako buot nga motudlo kanimo balik didto sa Jeusalem. Adunay walay sulod nga lubnganan didto, ug 'Ako mao Siya nga nagbontog kanimo, sa kamatayon, ug hades,' ug ako anaa Kaniya ug ikaw dili makapugong kanako. Ako mobangon pag-usab.” Oh, tan-awa. Ug siya miingon, “Adunay korona nga giandam alang kanako, nga ang Ginoo, ang matarung Maghuhukom, magahatag kanako; ug dili lamang kanako, apan sa tanan niadtong nahigugma sa Iyang pagpakita.”

92 Nahigugma ka kaniya. Buot ka makakita Kaniya nga moanhi. Ikaw nagapaabut alang Kaniya. Kini usa ka hataas nga sugilanon; kini usa—kini usa ka hataas nga pagpaabut. Kini usa ka kahimoan sa gugma. Apan dili ka lamang makapaabut hangtud



imong makita Siya. Oh, tan-awa. Mao kana ang paagi. Oh, mao kana ang higayon nga atong ginapangita; mao kana ang takna. Kung ang imong kasingkasing dili sama—sama—sama niana karong gabii, higala, pagbantay. Nakita ninyo? pagbantay. Ayaw tugoti ang kaaway sa paglimbong kanimo. Sa dihang ang Espiritu Santo dinhi buot mopanaw ngadto sa Iyang Magbubuhay, ngadto sa Iyang Agalon, adunay kahimoan sa gugma nga walay usa nga makatug-an. Tinuod kana. Kini tinuod. Kini tinuod.

Busa kung adunay usa ka pagpasidaan, nga moingon, "Ikaw dili andam alang niana," unya hinumdomi, ang Dios tingali nagpaandam kanimo alang sa usa ka butang. Nakita ninyo? Ikaw dili andam...

93 Ikaw moingon, "Buyno, kung ako mabautismohan, ang Espiritu Santo unya, buyno, tingali ang Ginoo magakuha kanako?" Dili, dili lamang kana, ikaw lamang mangandam nga mabuhi. Ikaw—ikaw dili andam nga mabuhi hangtud imong mabatonan ang Espiritu Santo, ug unya sa dihang imong mabatonan ang Espiritu Santo nan ikaw takus lamang nga mabuhi. Ikaw dili takus nga mabuhi sa wala pa kana (Nakita ninyo?), apan ikaw—karon ikaw takus gayud nga mabuhi human nga nadawat nimo ang Espiritu Santo (Nakita ninyo?), naghimo gayud kanimo nga andam. Nakita ninyo?

Ang katawhan moingon, "Buyno, ako kinahanglan mangandam aron mamatay." Oh, tan-awa, ako andam nga mabuhi. Amen. Ang butang niini mao, pangandam nga mabuhi, mabuhi diha kang Cristo, madaugon nga kinabuhi ibabaw sa sala, kamatayon, hades, ako nakabaton na ug kadaugan. Siya ang akong kadaugan, ug ako ang Iyang ebedensya, ug ako ang ebedensya sa Iyang kadaugan. Amen. Mao kana.

94 "Giunsa nimo sa pagkahibalo nga ikaw nakabaton niini?" Akong nabatonan kini. Amen. Siya naghatag niini kanako pinaagi sa Iyang grasya. Akong gibati kini. Ako nahibalo niini. Akong nakita kini nga nagpamuhay sa akong kinabuhi. Kini nag-usab kanako. Ug sumala niining Libro dinhi, Siya miingon nga ako adunay Kinabuhing Dayon ug dili na makahimo nga moatubang sa paghukom, apan ako milabang na gikan sa kamatayon ngadto sa Kinabuhi tungod kay Iyang gikuha ang paghukom alang kanako. Ug kung Siya nagbayad sa bili, ayaw tinguhaa pagdala kanako ngadto sa bisan unsang paghukom. Siya human na nagkuha niini alang kanako, ug ako nang gidawat kini. Oo, sir.

Busa walay gayuy paghukom. Wala na gayuy—wala na gayuy kamatayon. Oh, biyaan nako ang simbahan ug biyaan ang katawhan usa niana ka adlaw, apan kanang—kung si Jesus malangan. Ug kung kana mahitabo, oo, tan-awa, ako dili patay. Ako dili mamatay; ako adunay Kinabuhing Dayon. Unsaon nimo nga mahimong mamatay nga may Kinabuhing Dayon? Nakita ninyo? Sa kanunay diha sa Presensya sa Dios ug hangtud sa kahangturan makig-uban Kaniya. Amen. Kana nakapaukyab sa akong kasingkasing, tan-awa, makapahimo kanako nga buot magwali pag-usab. Nakita ninyo? Tinuod kana. Oh, Siya kahibulongan!

Dili ba Siya kahibulongan, kahibulongan, kahibulongan?

Dili ba si Jesus akong Ginoo kahibulongan?

Mga mata nakakita, mga dalunggan nakadungog,

Nga nahisulat diha sa Pulong sa Dios;

Dili ba si Jesus akong Ginoo kahibulongan?

Nahigugma ako nianang pagpamatuod.

Mga mata nakakita, mga dalunggan nakadungog,

Nga nahisulat diha sa Pulong sa Dios;

Dili ba si Jesus atong Ginoo kahibulongan?

95 Oh, nahigugma ako Kaniya. Siya ang akong Kalinaw, akong Kinabuhi, akong—akong Paglaum, akong Hari, akong Dios, akong Manluluwas, akong... (Oh, tan-awa.), akong Amahan, akong Inahan, akong Igsoong Babaye, akong Igsoong Lalake, akong tanang butang. Nakita ninyo? Atong naandan sa pag-awit ang usa ka alawiton sama niana. Kamo nahibalo, nakuha ba ninyong tanan kanang Pentecostal nga mga alawiton sama... Ako naglaum nga ilang napalong kanang rekorder. Nakita ninyo? Kanang alawiton nga naandan nato sa pag-awit:

Siya akong amahan, akong inahan, akong igsoong babaye ug akong igsoong lalake,

Siya ang tanang butang kanako.

Siya ang tanang butang, Siya ang tanang butang kanako;

Siya ang tanang butang, Siya ang tanang butang kanako;  
 Kay Siya akong amahan, akong inahan, akong igsoong babaye ug  
 akong igsoong lalake,  
 Siya ang tanang butang kanako.

Nahinumdom kamo sa dihang naandan nato sa pag-awit kana? Kinsa kaninyo ang nahinumdom niini? Tan-awa, mga katuigan kaniadto... ug kaniadto kita naanad sa pagsulti:

Nahibalo ako kini Dugo,  
 Nahibalo ako kini Dugo,  
 Nahibalo ako kini Dugo alang kanako;  
 Usa niana ka adlaw sa dihang ako nasaag,  
 Siya namatay sa krus,  
 Ug ako nahibalo kini Dugo alang kanako.

Nahibalo kamo nianang karaang alawiton? Atong tan-awon, unsa ang laing usa nga atong ginaawit? Atong tan-awon:

Oh, dili ka mobantay uban kanako sa usa ka takna,  
 Samtang ako moadto sa unahan, samtang ako moadto sa unahan?  
 Samtang ako moadto sa unahan ug mag-ampo?  
 Ako nagmadaugon, ako nagmadaugon, Ako nagmadaugon, ako  
 nagmadaugon; kay ako nahigugma kang Jesus, Siya akong  
 Manluluwas,  
 Ug Siya nagpahiyum ug Siya nahigugma kanako usab.

96 Naandan nga si Igsoong Smith, usa ka itom nga igsoon, naandan nga moanhi dinhi sa kanto. Oh, akong madunggan kadtong mga itom nga katawhan didto; ako molingkod lamang didto ug mosinggit ug mohilak ug tanang butang pa, uyogon ang akong sakyanan ug molukso sa palibut niini sama niana. Silang tanan nagapalampak sa ilang mga kamot. [Si Igsoong Branham nagpalampak sa iyang mga kamot samtang nagaawit—Ed.]:

Oh, dili ka magbantay uban...

(Kanang pag-awit sa itom nga katawhan, kamo nahibalo. Walay bisan kinsa nga moawit sama kanila; tingali kamo nakalimot niini. Nakita ninyo?)... usa ka takna,

Usa ka takna samtang ako moadto sa unahan,...

Oh, tan-awa. Ako milingkod didto, ako miingon, "O Dios." Usa lamang ka gamayng bata, nga kaluhaan ka tuig ang panuigon, ako nagadalagan sa palibut ug palibut nianang sakyanan ug mosinggit lamang ug nagdayeg sa Dios sama niana. Oh, unsa ka higayon. Mao lamang kana ang sayo nga pagsugod, sa dihang ang—Dios nagalihok taliwala sa katawhan sama niana. Karon, kita nakaabut ngadto sa kusgan nga Iglesia, dili daghan ang mga membro, apan gamhanan diha sa Espiritu. Amen. Unsa ka kahibulongan.

97 Unya adunay naandan nga usa ka alawiton... Ako nahinumdom sa usa ka adlaw didto sa Chattanooga, Tennessee, sa dihang akong nahinagbo kining... Dili Chattanooga, kini didto sa Memphis, diin nahinagbo nako kining itom nga babaye, kamo nahibalo, nagatindog didto. Kamo nakadungog kanako nga nagsulti mahitungod niini, kamo nahibalo. Ang iyang bata adunay sakit gumikan sa pakighilawas. Ug siya aduna niining kamisa sa lalake nga ginabugkos palibut sa iyang ulo, nagasandig sa ibabaw sa bangko sama niana. Ug ang Ginoo nagpahunong nianang eroplano didto ug wala kini gipalarga bisan unsaon, ug sila nagsulti kanako pag-adto... Ug ang Espiritu Santo miingon, "Paglakaw ug pag-adto niining dalana."

Ug ako miadto nga nagalakaw paingon didto, nagaawit. Ako naghunahuna, "Tan-awa, ang akong eroplano andam na sa pagbiya."

Nagpadayon lamang sa pagsulti, "Paglakaw, padayon paglakaw. Padayon paglakaw." Sa sayong bahin lamang sa akong pagpang-alagad.

98 Ako mitan-aw, nagasandig sa koral didto ug usa ka diyutayng payag, gamayng dapit didto. Adunay usa ka tigulang igsoong babaye nga nagatindog didto. Oh, siya usa... Murag sama sa usa sa mga igsoong babaye sa Aunt Jemina pancakes: dakung tambok nga mga aping, kamo nahibalo, ang iyang—iyang buhok, ang iyang kamisa gibutang sa iyang likod. Siya nagsandig sa koral sama niana, ug ako lamang... Ako nagaawit nianang

alawiton mahitungod... gamayng... Unsa ang... Akong nalimtan ang ngalan sa alawiton nga akong giawit. Karon, kini usa ka butang mahitungod—mahitungod... Usa kadto ka gamayng Pentecostal nga mubo nga alawiton, medyo dasig.

Ug ako miundang sa pag-awit, ako nagpaduol. Ug ako milabay. Ug siya nagatindog didto ug ang mga luha nagadagayday sa iyang mga dakung tambog nga mga aping; "Maayong buntag, parson." Ako miingon, "Auntie, unsa imong gisulti?"

Siya miingon, "Ako miingon, 'Maayong buntag, parson.'"

Ako miingon, "Giunsa nimo pagkahibalo nga ako usa ka parson?" Karon, ngadto sa katawhan sa habagatan, kana nagkahulogan "ministro," kamo nahibalo. Miingon, "Karon, giunsa nimo sa pagkahibalo ako usa ka parson?"

Siya miingon, "Ako nahibalo nga ikaw moanhi."

Ako miingon, "Nahibalo ka nga ako moanhi?" (Ako naghunahuna, "Oh, oh, ania kini dinhi. Nakita ninyo?")

Siya miingon, "Oo, sir." Miingon, "Nakabasa ka ba—ba sa sugilanon diha sa Biblia, parson, mahitungod nianang Sunamitanhon nga babaye?"

Ako miingon, "Oo, auntie, ako nakabasa niini."

Siya miingon, "Ako mao ang usa ka matang nianang babaye." Siya miingon, "Ug ako nangamuyo sa Ginoo nga hatagan ako ug usa ka bata, ako ug ang akong bana, ug akong padakuon kini alang Kaniya." Miingon, "Siya naghatag; siya naghatag kanako ug bata." Ug miingon, "Akong gipadaku kini, maayo nga batang lalake." Miingon, "Siya nakakuyog sa dili maayong kaubanan, parson. Siya nakakuha ug makadaut nga sakit." Ug miingon, "Siya naghigda didto nga himalasyon. Siya mga duha na ka adlaw karon nga himalasyon. Siya wala sa iyang kaugalingon sa sulod sa duha ka adlaw. Ang doktor mianhi dinhi ug miingon 'Siya dili mabuhi,' miingon, 'siya himalasyon.' Kini usa ka sosyal nga sakit." Ug miingon—miingon, "Ako dili makabarug nga makita ang akong bata nga mamatay, ug ako nagaampo sa tibook gabii." Ug miingon, "Ako miingon, 'Ginoo,' miingon, 'Ako mao ang usa ka matang nga babaye nga mao ang Sunamitanhon nga babaye, apan' miingon, 'Asa ang Imong Elesio?'"

99 Ug miingon, "Ako nahikatulog ug ako nagdamgo ug usa ka damgo, nga ako nagatindog dinhi niining ganghaan, ug ako nakakita kanimong mga nagalakaw sa dalan uban nianang kalo nga gibutang pinatakilid sa imong ulo." Apan miingon, "Adunay usa lamang ka butang," miingon, "asa man kana..." Miingon, "Ikaw magadala unta diha sa imong kamot ug usa ka maleta."

Ako miingon, "Akong nabilin kini didto sa Peabody Hotel."

Miingon, "Ako nahibalo nga ikaw magadala unta ug usa ka maleta." Ug siya miingon, "Ang akong bata himalasyon."

Ako miingon, "Ang akong ngalan si Branham." Siya miingon, "Ako malipayong nga nakahimamat kanimong, Parson Branham."

Ako miingon, "Ako nagaampo sa masakiton. Nakadungong ka ba sa akong pagpang-alagad?" Miingon, "Wala, ako wala nagtoo nga ako nakadungog." Miingon, "Dili ka ba mosulod?" Ug ako misulod, kanang dakung tawo nagahigda didto sama niana. Ako nagtinguha kaniya sa pagsugilon mahitungod sa Langitnong kaayohan, apan kana dili mao ang gitagaan niya ug pagtagad. Siya buot nga makadungog nianang bata nga moingon nga siya naluwas ug andam nga mobiya. Ug siya miingon... Ug ang Dios nagluwas kaniya.

Ug mga usa ka tuig ang milabay akong nakita siya didto ingon nga tindero sa estasyonan. Giunsa sa Dios sa pagbuhat ug mga butang!

Ug sa dihang ako nakabalik, human niana, ako nagtoo... Ang eroplano, mobiya unta sa ikapito ang takna, ug kadto mga milapas na sa katunga sa ikasiyam. Ug samtang sa dihang ako nakasulod, miingon, "Katapusang tawag sa paglupad sa numero mao kini-ug-mao kana." Ang Ginoo nagpugong nianang eroplano diha sa yuta didto samtang ako miadto ug nag-ampo alang nianang batang lalake. Nakita ninyo? Mao kana.

100 Ako nagtinguha sa paghunahuna niana, usa ka gamayng alawiton, "Usa Kanila." Mao kana. Oh, giunsa nato sa naandan sa pag-awit dinhi, ug magpalakpak sa atong mga kamot. Kita moingon:

Usa kanila, usa kanila,  
 Ako malipayon kaayo nga ako makahimo sa pagsulti ako usa kanila; (Hallelujah.)  
 Usa kanila, ako usa kanila,  
 Ako malipayon kaayo nga ako makahimo sa pagsulti ako usa kanila.  
 Sila nagkatigum sa itaas nga lawak,  
 Tanan nagaampo sa Iyang Ngalan,  
 Sila nabautismohan sa Espiritu Santo,  
 Ug ang gahum sa pagpang-alagad miabut;  
 Karon unsa ang Iyang gibuhad alang kanila nianang adlaw  
 Iyang pagabuhaton usab alang kanimo,  
 Ako malipayon kaayo nga ako makahimo sa pagsulti nga ako usa kanila.  
 Usa kanila, usa kanila,  
 Ako malipayon kaayo nga ako makahimo sa pagsulti nga ako usa kanila;  
 Usa kanila, ako usa kanila,  
 Ako malipayon kaayo nga ako makahimo nga ako usa kanila.  
 (Ikaw ba?)

## 101 Paminaw niining verseculo:

Bisan kining katawhan walay kahibalo,  
 Kon manghambog sa kalibutanong kabantog,  
 Silang tanan nakadawat sa ilang Pentecostes,  
 Nabautismohan sa Ngalan ni Jesus;  
 Ug sila nagsugilon karon, sa halayo ug tanang dapit,  
 Ang Iyang gahum mao sa gihapon,  
 ug ako malipayon kaayo nga ako makahimo sa pagsulti ako usa kanila.  
 Oh, usa kanila, ako usa ka kanila,  
 Ako malipayon kaayo nga ako makahimo sa pagsulti nga ako usa kanila;  
 Usa kanila, oh, ako usa kanila,  
 Ako malipayon kaayo nga ako makahimo sa pagsulti nga ako usa kanila.  
 Oh, anhi, akong igsoong lalake, pangitaa kining panalangin  
 Nga makahinlo sa imong kasingkasing gikan sa sala,  
 Kini makasugod sa pagbagting sa kalipay  
 Ug makapadilaab sa imong kalag;  
 Oh, kini nagadilaab karon sa akong kasingkasing,  
 Oh, himaya sa Iyang Ngalan,  
 Ug ako malipayon kaayo nga ako makahimo sa pagsulti nga ako usa kanila. (Malipayon ka ba niana?)  
 Usa kanila, usa kanila, ako malipayon kaayo nga ako makahimo sa pagsulti nga ako usa kanila;  
 Oh, usa kanila, usa kanila,  
 Ako malipayon kaayo nga ako makahimo sa pagsulti nga ako usa kanila.

## 102 Oh, wala ka ba nalipay? Magalamano kita ang mata-usa kanato sa dihang magawit kita niini. Unsay imong ikasulti? Buhaton nato kini.

Usa kanila, usa kanila,  
 Ako malipayon kaayo nga makahimo sa pagsulti ako usa kanila;...?

...

Oh, usa kanila, usa kanila,  
 Ako malipayon nga makahimo sa pagsulti ako usa kanila.  
 Oh, anhi, akong igsoong lalake, pangitaa kining panalangin  
 Nga maka... dilaab sa kalag,  
 Nga makasugod sa pagbagting sa lingganay sa kalipay

Ug makapadilaab sa imong kalag;  
 Oh, kini nagadilaab karon sa akong kasingkasing,  
 Oh, himaya sa Iyang... (Atong iisa ang atong mga kamot)  
 Malipayon nga ako makahimo sa pagsulti nga ako usa kanila.

Tanan magdungan:

Usa kanila, usa kanila.  
 Ako malipayon kaayo nga ako makahimo sa pagsulti nga ako usa  
 kanila;  
 Ako usa kanila, ako usa kanila,  
 Ako malipayon kaayo nga makahimo sa pagsulti nga ako usa  
 kanila.

103 Paminaw magmaayo pag-usab karon?

Bisan kining katawhan tingali—tingali walay nahibaloan, (Sila wala  
 gayud mianhi nga gikan sa kolehiyo.)  
 Kon manghambog sa kalibutanon nga kabantog,  
 Silang tanan nakadawat sa ilang (Pentecostal nga panalangin),  
 Nabautismohan sa Ngalan ni Jesus;  
 Ug sila nagsulti karon, sa halayo ug sa tanang dapit, (matag suuk  
 ug kanto)  
 Ang Iyang gahum mao sa gihapon,  
 Ako malipayon kaayo nga ako makahimo sa pagsulti nga ako  
 makahimo nga ako usa kanila.

Oh, awita kini, iglesia.

... kanila, usa kanila,  
 Ako malipayon kaayo nga ako makahimo sa pagsulti nga ako usa  
 kanila;  
 Oh, usa kanila, usa kanila,  
 Ako malipayon kaayo nga makahimo sa pagsulti nga ako...  
 Kuhaa karon ang inyong gamayng panyo:  
 Usa kanila, usa kanila,  
 Ako malipayon kaayo nga makahimo sa pagsulti nga ako usa  
 kanila;  
 Oh, usa kanila, usa kanila,

Ug ako malipayon kaayo nga ako makahimo sa pagsulti  
 Ako usa kanila.

Dalaygon ang Ginoo. Amen. Kita sama lamang sa mga kabataan, walay bisan  
 unsang butang pormal mahitungod kanato. Ang Dios walay porma. Tinuod ba kana? Oo,  
 sir.

Ako usa kanila, usa kanila,  
 Oh, ako malipayon kaayo nga ako makahimo sa pagsulti nga ako  
 usa kanila;  
 Ako usa kanila, usa kanila,  
 Oh, ako malipayon kaayo nga makahimo sa pagsulti nga ako usa...

104 Malipayon ba kamo sa tinuoray nga kamo makahimo sa pagsulti niini? Iisa lamang  
 ang inyong kamot, moingon, "Dalaygon ang Ginoo." [Si Igsoong Branham ug ang  
 kongregasyon nagsulti nga nagdungan, "Dalaygon ang Ginoo!"—Ed.] Ako malipayon nga  
 ako usa kanila. Ako malipayon gayud.

Ginoong Dios, malipayon kaayo ako. Usa kanila, usa kanila, ako malipayon kaayo  
 nga ako makahimo sa pagsulti nga ako usa kanila. O Dios, tabangi kami nga mahimong  
 sama niana. Tabangi kami nga magapabilin ang kahayag nga magasiga, Ginoo samtang  
 kami nagamartsa paingon sa Sion. Tugoti kini, Amahan. Sa Ngalan ni Jesus. Amen.

Oh, kita nagmartsa paingon sa Sion,  
 Oh, matahum, matahum nga Sion;  
 Kita nagmartsa paingon sa Sion,  
 Kanang matahum nga syudad sa Dios.  
 Umari, kita nga nahiguma sa Ginoo,

Ug atong mahimong mahibaloan,  
 Pakig-uban sa pag-awit uban sa matam-is nga pagduyog,  
 Pakig-uban sa pag-awit uban sa matam-is nga pagduyog,  
 Ug palibutan ang trono  
 Ug... (Oh, pag-awit lamang diha sa Espiritu.)... ang trono.  
 Oh, kita nagmartsa paingon sa Sion,  
 Kanang matahum, matahum nga Sion;  
 Kita nagmartsa paingon sa Sion,  
 Kanang matahum nga syudad sa Dios.  
 Oh, kita nagmartsa paingon sa Sion, Matahum, matahum nga  
 Sion;  
 Kita nagmartsa paingon sa Sion,  
 Kanang matahum nga syudad sa Dios.  
 Pasagdi kadtong dili moawit  
 Kinsa wala gayud makaila sa Dios;  
 Apan mga anak sa langitnong Hari,  
 Apan mga anak sa langitnong Hari,  
 Mamulong sa ilang kalipay sa laing dapit,  
 Mamulong sa ilang kalipay sa laing dapit.

(Atong awiton kini.)

Kita nagmartsa paingon sa Sion,  
 Oh, matahum, matahum nga Sion;  
 Kita nagamartsa paingon sa Sion,  
 Kanang matahum nga syudad sa Dios.

105 Oh, dili ba kana naglugod kanimo? Wala ka ba nahigugma nianang karaang mga alawiton? Mas palabihon ko pa nga maangkon sila kay sa tanan nga imong mahimo—kon bisan asa niining laing matang sa mga alawiton nga imong maangkon. Sila mga maayo, karaang makatandog sa kasingksing nga mga alawiton... Oh, tan-awa. Maayo kaayo ang akong pagbati ug malipayon sa dihang ako nagaawit kanila, maayo gayud. Tan-awa, gibati gayud nga nagmaya.

Ngalan ni Jesus dawata,  
 Anak sa kasubo ug kagul-anan;  
 Sa kalipay ka hatagan,  
 Oh, dawata kini, bisan asa ikaw moadto.  
 Ngalang bilihon (Ngalang bililhon!), O unsa ka tam-is!  
 Paglaum sa yuta ug kalipay sa langit;  
 Ngalang bilihon, O unsa ka tam-is!  
 Paglaum sa yuta ug kalipay sa langit.  
 Samtang kita magaduko sa atong mga ulo karon:  
 Sa Ngalan ni Jesus magayukbo,  
 Magayukbo sa Iyang tiilan,  
 Hari sa mga hari sa langit kita magakorona Kaniya,  
 Sa dihang matapos atong panaw.  
 Ngalang bililhon, O unsa ka tam-is!  
 Paglaum sa yuta ug...



[www.messagehub.info](http://www.messagehub.info)

Mga Wali Ni  
**William Marrion Branham**  
*"... sa mga adlaw sa tingog ..." Pin. 10:7*